

3	مُقدّمة
4	القصل الأول
9	الفصل الثانى
14	الفصل الثالث
18	الفصل الرابع
24	القصل الخامس
29	القصل السادس
34	القصل السابع
39	القصل الثامن
45	القصل التاسع
51	القصل العاشر
59	الفصل الحادى عشر
64	الفصل الثاني عشر
70	الفصل الثالث عشر
76	خاتمة

مُقدّمة.

أنا هشام رمضان شحاته ، طالب يسعى فى رحلة بكاليريوس التمريض ، ولديه حلم بعيد جدا عن رحلة سعيه التعليمية هذه ، فلطالما حلمت أن أصبح ذلك الكاتب المُختلف فى كل شئ ويكتب كل ما هو رائع ، لطالما تشابهت كل الحروف مع من يكتبون ولكن!
ظللت أقرأ وأقرأ وأنا أضع نصب عينى سؤالا واحدا ، وهو كيف ستساعدنى قرائتى هذه عندما أحاول أن أكتب ، فأنا من الذين يعشقون الورقة والقلم
أحاول في هذه الرواية أن أتقفى أثر الراحل الذي لم يرحل " الدكتور أحمد خالد توفيق " وإن لم تنجح محاولتي ، فيكفى محاولتي شرفا أنها كانت في تقليد رجلٍ مثله
جميعنا نعرف الرعب المعرفة التي تكفى لتعريفه ، ولكنى فى هذه الرواية قد شطرت الرعب لقسمين ، القسم الأول هو الرعب الذى نعلمه جميعا ، أما القسم الثانى فلم يعرفه الجميع
فالقسم الأول من الرعب هو الرعب الذي يُخيف ، أما القسم الثاني فهو رعب يُميت ، إنه رعب الهموم!
أما عن الحب فلم أتقفى أثر أقدام أحد ، كنت أنا أول من يسير

الفصل الأول....

ولد عمر في أسرة ليست بالغنية ولا بالفقيرة ، بل في منزل متوسط الحال ، وكان كباقي الأطفال يسأل كثيرا ، بل يسأل عن كل شئ......

(ماما هو ایه اللی بابا حاطه فی بوقه دا ؟سیبنی یبنی وروح من وشی الساعة دی لأحسن مش طایقة حد قدامی.....)

كانت أمه لا تجبه على أى سؤال يسأله ، فنشأ يجهل الكثير من الأشياء ، بل نشأ يجهل كل شئ

إلتمس الإجابة من بعض أصحابه - إن كان له أصحاب - فلم يجد ، وكذلك التمسها من والده وأيضا لم يجدها......

تمر حياة عمر يوما بعد يوم وعاما بعد عام وهو يجهل الكثير والكثير ، ومن في المنزل يتجاهلوه بشتى الطرق (بحجة إننا مشغولين طول الوقت ومش عايزين حد يقاطعنا)......

تزداد أسئلة عمر كذلك (ماما هي طنط زينة جارتنا مالها ؟مش عارفة وإياك تروح عندهم أبدا دول بيقولوا إن سكان البيت مسكوهايعنى ايه سكان البيت يا ماما ومسكوها ليه ؟اخفى من وشى الساعة دى يا عمر مش ناقصة غبائك)

كطفل يريد أن يعرف فلن يهدأ له بال حتى يعرف،يعرف كل ما يرد أن يعرفه

أخذ يتردد عمر عند بيت جارته التي يسمعها كل يوم تصرخ في وقت متأخر من الليل ، و هو يريد أن يعرف لما تصرخ هذه السيدة ، ولما أولادها لا يفعلوا شيئا!......

وذات يوم قرر أو لادها أن يفعلوا شيئا ، فأتوا لها بشيخ يقال له (الشيخ الواصل) دخل الشيخ ومعه لفيف من أعوانه ، وبدأ الجميع يردد بعض الكلمات ، وهي صامتة لا تحرك ساكنا ، مرت بضع دقائق وهي صامتة ، وفجأة إلتقتت إليهم بوجه كاشر وعينين جاحظتين ، ثم نظرت بعينها إلى الباب فانغلق الباب على الشيخ وأعوانه ، وبدأت تصرخ بأعلى صوتها

صرخات لا يستطع عقل أن يتحملها مهما بلغت قدرة تحمّله ، وأسرع الشيخ يضع يده على رأسها ويتلوا بعض الكلمات التي لم تزد الأمر إلا سوء......

كل ذلك والجميع ينتظر خارج المنزل وهم خائفين

هل كان عمر من ضمن الخائفين معهم ؟.... نعم عمر كان خائفا جدا ، لا عمر لم يكن يخاف أبداً!!!!تدرى!!لا أعرف أكان خائفا أم لا فقط سأدع لك الأمر لتحكم

الجميع صامت يرتجف والمرأة بالداخل تصرخ ، وبدأت الأصوات تتعالى بالداخل حتى هدأ الصوت وصمت الجميع ، ثم سرعان ما سمع الجميع صوت رجل (غليظ الصوت) يأتى من

الداخل ويقول (محدش يحاول يقرّب منّى ، اللى يقرب منى هخلصه من حياته......) حاول الشيخ أن يقترب وبدأ يقرأ كلماته ثم رش شيئا ما على وجه السيدة ، فشعر بألم شديد ينتاب يده ، والدم يتساقط من يده التى رشت ذلك الشئنظر الشيخ ليده فوجدها قد قُطعت!!... هرع الجميع يجرى وتعالت أصوات صراخ الجميع ، بما فى الجميع كان الشيخ وهو ينزفخرجوا جميعهم وتركوا (طنط زينة) وما بها......

كل ذلك يشاهده عمر من بعيد ، وهو لا يفهم شيئا ويريد أن يفهم !....

مرت الليالى والصراخ مستمرا ، ولا يرد أن ينتهى ، إلى أن جاء اليوم الذى قرر فيه عمر أن يكتشف السبب بنفسه!!!.....

ذهب عمر خلسة من وراء أمه إلى بيت (طنط زينة) بالنهار فتكلم معها وسألها بعض الأسئلة ولكنها مثل أمه لم تجبه على أى منها ، كل ردّها كان الصمت الطويل.....

فمكث يكلمها حتى أجابته بصوت يهمس (روح لماما يا حبيبى) ، قال عمر: (أنا عارف إنك ست كويسة بس مش عارف ليه الناس بتقول عليكى إنك وحشة ومش راضيين يجوا هنا!!) فأخذت المرأة دموعها تنمر منها واحتضنت عمر وهى تقول: (ولا أنا كمان عارفة!!)

ثم دفعت بعمر إلى الخارج وأغلقت الباب ، فوقف عمر أمام الباب وهو ينظر إليه ، فسمع صوت أمه وهى تقول (غار على فين الولد الحيوان دا هو الآخر؟!!!) فذهب مسرعا إلى البيت حتى لا ينكشف سره......(أنا أهو يا ماما.....كنت فين يا زفت ؟كنت!كنت في الحمام!......طب اترزع هنا وإياك أسمع إنك هوبت بيت جيرانا ولا قربت ناحيته سامع!!!......حاضر!...)

تمر الأيام والليالى و عمر يتردد على مدرسته ثم يلقى نظرة على ذلك البيت محاولا كشف سر صراخ الليل ، فتقاطعه امه بصوت يرعبه أكثر من صراخ (طنط زينة) قائلة : (هو الحيوان دا لازم يتأخر كل يوم كدا !!!).......

عاش سكان هذا الحى فى رعب طال أمده ، فقرر أولاد هذه السيدة الإتيان بشيخ آخر لها ولكن هذه المرة كان شيخا ليس بالدجّال.....

دخل الشيخ عليها الغرفة فكانت هادئة صامتة كعادتها بالنهار ، ودخل معه أحد أبنائها ثم بدأ الشيخ يتعوذ بالله من الشيطان ويتلوا بعض الآيات ، فكانت هادئة لم يحدث لها شئ غير أن عينيها كانتا جاحظتين........

انتهى الشيخ من تلاوته ثم قال لها: (مالك يا بنتى؟) فلم تردّ ، وأخذت تبكى...... (طب فى حاجة تعباكى أو مز علاكى ؟.....مش عارفة يا عم الشيخ مش عارفه مالى.....) وانخرطت فى البكاء الشديد الذى انتهى بالإغماء......

سمع عمر وسمع الجميع كعادتهم الصراخ القادم من بيت (طنط زينة) ، فذهب عمر خلسة للبيت وعلى غير عادته وجد البيت مفتوحا هذه المرة والمرأة تصرخ بشدة وعينيها جاحظتين لا ينفكان عن البكاء ، ولا تكف يداها عن لطم الأرض......

اقترب عمر منها وأخذ يربت على كتفها ويقول: (متبكيش...) فصمتت ولم تلتفت له، فارتجف عمر قليلا ثم قال (أجبلك ميه تشربى؟) فلم تجبه وعلت الأصوات في الخارج تتسائل عن توقف صوت الصراخ المفاجئ........

(عمر!!.....عمر!!....عمر إنت فين يا حيوان رد!!!..... يا لهوى إلحق يا محمد أخوك عمر مش موجود في البيت ليكون راح عند البيت المسكون اجرى شوفه!!.....)

اقترب عمر منها بكوب الماء (اتفضلى اشربى...) فالتقتت له وهى جاحظة العينين ، ولكنها لم تصدر صوتا ، وأخذت تتأمله...... (الحق يا محمد أخوك أهو والعفريتة ماسكاه الحقونى يا نااالس!!!!!!......الحقوا ابنى هيروح منى!!!!!.....) ثم عادت (طنط زينة) تبكى وتصرخ

فى عمر ، وازداد صراخها ، حاولت ضربه بيدها ولكن يدها الأخرى منعتها ، تحول صوتها لصوت رجولى وهى تقول : (اجرى يا عمر اجرى.....) لم يستطع عمر أن يتحرك فاقترب منها (أنا مش خايف منك إنت كويسة خدى اشربى ميه) وسكب كوب الماء عليها ، ربما لأنه يريدها أن تشرب وإن كانت رافضة ، أو ربما لأنه كان خائفا جدا ، ولكن هذا الذى يحدث لها لم يكن يفهم خوف عمر فازدادت قوة يدها التى تضرب وأطاحت بعمر ، فوقع مغشيّا عليه.......

الفصل الثاني....

مرّت الأيام وكبر عمر وكبرت معه ذكرياته.....

ذكرياته التى سببت له من الألم والخوف ما سببت ، ولكن المشكلة الكبرى لم تكن فى ذكريات عمر وما يمر به فى حياته بل كانت المشكلة فى ذاكرته.....

ذاكرته التى لا تنس شيئا حدث له ، وبالأخص إذا كان هذا الشئ سببا فى آلامه أو خوفه.....

(ايه ياحمد هتعمل ليلة على روح المرحومة والدتك (طنط زينة) امتى ؟.....لسه يا عمر احتمال تكون الإسبوع الجاى علشان باقى اخواتى كلهم يبقوا هنا.....)

بعد الحادث الذى تعرض له عمر فى الفصل الأول عندما أغمى عليه إثر الضربة التى تلقاها من (طنط زينة) ، تجمّع الناس حول بيتها وعلى صوت الإعتراض على ما يحدث ، واز داد صراخها المؤلم ولا تدرى ماذا تفعل ، فقامت مسرعة تضرب برأسها فى الحائط بكل ما أتيت من قوة وهى تصرخ وتتألم...........

خاف الجميع من الإقتراب منها حتى لا تؤذِهم ، إلا والدة عمر التى ألقت بنفسها فى الهاوية من أجل ابنها الذى كانت تنهره دائما.....ابنها الذى كانت لا تجبه على أى شئ..... تلك عاطفة الآباء الجياشة التى لطالما لم يجد الأب أو الأم طريقا لكى يُعبروا عنها لأو لادهم ، ولكنه الوقت الذى إن لم يعبر فيه الأب أم الأم عن عاطفته الآن ، فلن يعبر عنها أبدا......

ذهبت مسرعة واقتربت من (طنط زينة) وهي خائفة ، لكن خوفها كان من أن يحدث مكروه لابنها وليس خوفا منها على نفسها......

اقتربت وأخذت تقول: (لا يا زينة إلا ابنى يا زينةدا كان بيحبك يا زينة و هو الوحيد اللى كان بيقول عليكى ست طيبةبالله عليكى متأذى ابنى يا زينة ، بالله عليكى متأذى عمر يا زينة)

أخذت دموع زينة تنهمر من عينيها وهي مخلوطة بالدم الذي يسيل من رأسها ، وبدأت تبكي بشدة وتصرخ صرخات عالية جدا وقالت : (أنا مينفعش أعيش تاني في الدنيا دي والازم أخد عمر معايا الازم أموت عمر الازم أموته......)

فحاولت ضرب عمر بيدها التى بها الآلة الحادة ولكن يدها الأخرى قد تصادمت معها وأمسكتها ، ثم سرعان ما حوّلت الضربة إلى جسدها ، فقتلت نفسها وارتمت على الأرض والدم ينزف منها...........

حاولوا منعها من قتل نفسها ، ولكن أنّى لهم بقوتها التى لم يعرفوا من أين حصلت عليها وكيف لأمرأة أن تملك قوة مثل قوتها!!..........

انتهى الخوفانتهى الصراخانتهى إلى الأبد ولم يعد له مكانا في هذا الحي.

أفاق عمر ولم يجد نفسه إلا نائما في بيته لا يدرى ماذا حدث ولكنه كان خائفا.....خائفا لحد الرعب الذي يجعله لا يرد أن يبقى وحيدا في أي مكان يذهب إليه حتى وإن كان هذا المكان هو (الحمام)......

لم ينس عمر كل هذه الذكريات ولكنه كبر الآن ، وكما يعلم الجميع أنه إذا كبر الإنسان كبرت معه شجاعته ، أو أن الخوف هو الذى ارتمى تحت حطام الأيام......الأيام التى لا ترحم أى ذكرى إلا وجعلتها تحت الحطام......

هو الآن يدرس فى الصف الثانى الثانوى وكعادة واصلى هذا السن فهو السن الذى يطلق الجميع عليه أنه سن (المراهقة) ، ولكنّى لا اتفق مع الجميع فى هذه التسمية ، بل واتهم هذه التسمية بأنها إيحاء جنسى شديد لمستمعيها......

بل هو سن تكوين شخصية الإنسان ،....السن الذي ترتكز عليه أغلب تصرفات المرء القادمة عند تعرضه لمواقف تحتاج إلى أخذ قرار....

وصل هو ذاك السن العظيم ، وشعر بحاجته الشديدة لشئ لا يعرف ماهيته.....هو متفوق في دراسته ولديه عدد لا بأس به من الأصدقاء ، ولكن هناك شئ ما ينقصه....هناك شئ ما لا يستطع التعبير عنه ، بل وتتغير ملامح وجهه كلما عزم على التفكير فيه، وشعر بعدم إرتياح شديد تجاه هذا الأمر ، وتاهت كل أفكاره.........

كان لا يفهم السن الذى وصل إليه ، ويحتاج لشخص يدعمه ويوجه تفكيره إلى الطريق الصحيح ، فهو لا يعرف أى طريق هو الصحيح ، كأغلب الشباب الذى ينضج بشكل مفاجئ ثم لا يجد من

نفسه غير أنه بدأ الجميع يعامله معاملة مختلفة ، بدأت جاراته يمنعن بناتهن من اللعب معه ، بدأ كل شئ حوله يتغير ويُحال إلى أمر جديد.........

لطالما كان يخاف عمر من هذا الشعور كلما انتابه ، ولكنه كان من ضمن الجميع الذى يسمون هذا السن بالتسمية التى فيها من الإيحاء الجنسى ما فيها......

لجأ عمر لكثير من أصدقائه ليجد فيهم مرشدا قد أرشده أحد المرشدين من قبل ، فباء لجوئه بالخزلان ولم يجد غير أمثاله.....كلهم يحتاجون لذلك المرشد الذى لطالما بحث عنه فقط من أرادوا العيش بالطريقة الصحيحة ، والعيش بطريقة تختلف عن طريقة عيش الأخرين التى لم تتل إعجاب أحد أبدا.....بالطبع غير أمثالهم.

لم تكف الذكريات عن مراودة عمر أبدا ، ولكنه كان يتجاهلها أحيانا ، ويقع أسيرا لها أحيانا ، وكلما كبر عمر راكمت الأيام على ذكرياته بعض الأتربة ، ولكن هناك ذكرى كلما مرت الأيام لم تزد هذه الذكرى سوا إزاحة الأتربة من عليها حتى عادت وظهرت من جديد.......

بدأت الأحلام تراود عمر من حين لآخر والكوابيس تطارده أينما حل ، حتى أن هذا كان سببا كبيرا في ضجيج يحدث في البيت بأكمله أثناء الليل من أصوات عمر وهو يصرخ (لا يا طنط زينةلا يا طنط زينة أنا عمر متضربنيش...)

فتهرع إليه أمه وأبوه وأخوه ومن في البيت مسرعين فزعين.....

(مالك يا عمر يبنى فى ايه ؟.... خد يا حبيبى اشرب (باسم الله الرحمان الرحيم عليك)....مش عارف يا ماما مش عارف بقالى كتير بشوف طنط زينة فى الحلم ، وبتقلى أنا لازم أخدك معايا!!!!......باسم الله الرحمان الرحيم دا كابوس يبنى أعوذ بالله من الشيطان الرجيم خد يبنى اشرب تانى امى!!!....نعم يبنى يا حبيبى؟عدى كدا من قدام المراية تانى ليه يبنى فى حاجة ؟عدى بس كدا معلش ... أهو يبنى ... مفيش حاجة يا حبيبى سمّى الله ونام واقر أقر ءان قبل ما تنام دا حتى إنت بتصلى يا حبيبى و عارف ربنا حاضر يا ماما هقر أقر ءان)

ترك الجميعُ عمر وعادوا لنومهم العميق اللذيذ ، ولكن عمر لم يستطع النوم هذه الليلة أبدا ، وأخذ يفكر فيما رآه في المرآة فهو متأكد أنه رأى شيئا ما......

نهض عمر من على سريره ذاهبا إلى (الحمام) ، وأخذ يتعوذ بالله من الشيطان الرجيم ويتلو الآيات عند عودته ، وعندما وصل إلى سريره وها هو يضع نفسه على السرير ، فتوقف قليلا وفتح عينيه متفاجئا وصامتا......

لقد نظر إلى المرآة ، ولكنه لم يجد إنعكاسه فيها!!!!.....

فعاد مسرعا ينظر إلى المرآة مجددا ، وهو يصحب نبضات قلب تتسارع خلف بعضها ولكنه وجد إنعكاسه.....



نجح عمر في اجتياز التعليم الثانوي وهو موشك الآن على دخول مرحلة جديدة من التعليم ، ألا وهي مرحلة الجامعة......

التحق عمر بكلية الآداب رغم مجموعه الذي كان يستطيع أن يُلحقه بكلية الطب التي تعتبر حلم كل حالم في مصر ، بل وحلم من لم يتعلم من الأساس ، أن يدخل هو الآخر كلية الطب.....

أحب عمر كلية الآداب، وذلك لأنه كان يحب أن يقرأ ومن وقت لآخر كان يكتب بعض الخواطر والقصص الجميلة، لم تكن الجامعة بالقرب من بيته لذلك اضطر أن يغيب بالأسابيع عن أهله في سبيل المواكبة الدراسية........

والحق يُقال فإن عمر كان أحب له أن يبقى وحيدا ويعتزل الناس لبعض الوقت ، فهو لا يخاف الوحدة ولا الظلام ، وفقط كان كل خوفه هو الحشرات الضخمة التى تطير ، فلا يمكنه أن يتصور حشرة طائرة ذات حجم كبير تصطدم به أو تُداعب أقدامه......


سعى عمر يحاول جاهدا التأقام مع الحياة الجامعية وقد فعل ، وكان من عاداته الجميلة التى اعتبرها ملاذا لتفريغ همومه هو خروجه بالليل متأخرا ، ويمشى وحيدا فى مكان قل فيه عدد الحاضرين أو انعدم.......

لطالما أحب الهدوء والليل والظلام وأيضا أحب أن يكتب ، ولكن كل هذا الحب لم يغن شيئا في مواجهة ذكرياته التي ما زالت تراوده كلما تناساها.......

خرج عمر ذات ليلة وهو يحمل من الهم ما يحمل في قلبه وأخذ يمشى إلى حيث لا يدرى ، وفجأة إذ عيناه لمحتا فتاة جالسة في مكان بعيد من أمامه ، وتقرأ كتاب وتُقلّب صفحاته.....

(السلام عليكم السلام السلام السلام السلام التحبى تقرئى للدكتور أحمد خالد توفيق ؟ المدا إنت تعرفه ؟ المعنى شوية كدا التعرفى إن كتاب عقل بلا جسد دا عجبنى جدا لمّا قرأته الله هو فعلا رائع ، وعجبانى فيه جدا شخصية عصام وتفكيره الرهيب وطريقة حله للمشاكل اللى بيقع فيها الضابط الله عرفه الله السم الضابط دا ؟ الدكتور أحمد مذكرش اسمه فى الصفحات اللى قرأتها لغاية دلوقتى اتطمنى ومش هيذكر فى بالصفحات!

قریت ایه لدکتور أحمد غیر عقل بلا جسد ؟
عربیه فعر! ینه شکرم بقی صحباتی جم ۱هم قدام
(سرحت لیه ؟!)
ذهبت عايدة مع صديقاتها ، وأخذ عمر يتمشى إلى الأمام بمفرده بعدما شتّتت عايدة تفكيره من الحزن والذكريات
ولكنه سرعان ما استعاد كل شئ فور رحيل عايدة ، فإنها كانت مجرد عابرة ورحلت
هل كان يجب على عمر أن يتفق معها على معاد آخر ليتقابلوا ؟
هل كان على عمر أخذ رقم هاتفها ؟
هل كان على عمر أن يتعرف عليها أكثر ؟
إن عمر لهو شخص غامض ويتمنى أن يبقى غامضا إلى الأبد ، فهو يخشى أن يكشفه غيره ويعرف ما به وبما يشعر!
كانت مجرد عابرةعابرة ورحلت. ظن هو ذلك
لقد تأخر الوقت كثيرا واقترب وقت طلوع الفجر ، وها هو عمر يعود أدراجه ، فإذ به يجد رجلا يتحرك نحوه من بعيد حتى اقترب منه فقال : (حاجة لله يبنى) فأجاب عمر (الله يسهلك يا حج) ولكن مهلا ، ما هذا الشئ الذي يظهر في يد الرجل؟!
(لو سمحت يا حج إيه البتاعة اللي في ايدك دى ؟) نظر إليه الرجل وأطال النظر ثم حاول أن لا يجبه وأكمل مسيرته لعله يجد أحدا آخر اليعطيه شيئا في هذا الوقت المتأخر من الليل!
(يا حج يا حج إنت بتجرى ليه! خد هقاك على حاجةعايز ايه يبنى سيبنى فى حالى مش كفاية اللى أنا فيه !ايه اللى إنت فيه يا حج وإيه اللى فى إيدك دا ؟ قصدك



(ولقيت الحد دا بس كان طفل صغير ميعرفش حاجة !!!!!!)..... ارتعب عمر وتذكر أنه هو هو ذلك الطفل!!.....



أنهى عمر محاضرات كليّته هذا الأسبوع ، وهو يُعد متاعه للعودة إلى بيته في الحي الآن ، فقد اشتاق لأمه وأبيه وأخيه ، هو يحب الوحدة نعم ، وأيضا لا يمكنه ألا يحب أهله وذويه.....

قابلته أمه بترحاب جميل وكذلك أبوه وإخوته ، استراح من مشقة الطريق لبعض الوقت ثم سأل والدته

(ماما هو أحمد ابن طنط زينة موجود ولا مسافر ؟لا مفيش كنت عايزه في حاجة ؟لا مفيش كنت عايزه في حاجة كدا)

ذهب عمر ليسأل عن أحمد بعد وقت راحته الذي استغرقه طويلا (ازيك يا احمد عامل ايه ؟.....الله يسلمك أنا الحمد لله ؟.....الله يسلمك أنا الحمد لله كويس....كنت عايز أسألك ياحمد عن قبر والدتك هي مدفونة فين ؟.....ليه يا عمر والشمعنا بتسأل دلوقتي في حاجة؟......لا مفيش كنت عايز ازورها وكدا.....ماشي نروح نزورها أنا وانت بكرا.....اتفقنا.)

ذهبا الأثنان معا للمكان الذى دُفنت فيه ، فاستثار عمر الذى حدث له أثناء خروجه وأخذ يتذكر كل شئ وها هو يقول لأحمد: (بقلك يا احمد ممكن تسيبنى شوية هنا وتمشى إنت ؟.....ماشى يا عمر أنا همشى وهستناك فى البيت....ماشى يابوحميد..)

وقف عمر أمام المقبرة وهو مصوّبا نظره أمامه ويتذكر كل ما حدث ويقول:

(أنا عارف إن في حاجة تخصني المفروض افهمها بس مش عارف هي ايهالراجل اللي قابلته وأنا بتمشى مكنش إنسان، أنا عرفت من أحمد دلوقتي إنه الشيخ دا مات تاني يوم بعد ما إيده اتقطعتأنا عارف إنك عايزة توصليلي حاجةطنط زينة! أنا مكنتش بخاف منك بس كنت طفل بريئ مش فاهم حاجةإنت قولتيلي إني الحد اللي كنتي محتاجاه بس مش فاهم محتجاني إزاى ؟.......)

أنهى عمر حديثه أمام المقبرة وانتظر شيئا ما يحدث كما يحدث في الأفلام وأن تأتى له إشارة أو ينفتح القبر أو يأتى له رجل ليخبره بأمره ولكن لم يحدث شئ!......

همَّ أن يذهب وهو خائب الأمل ، وعند تحركه للأمامها هو المشهد كما يحدث في الأفلام!! ظهر رجل ينظر إليه من بعيد بعينين جاحظتين ، ولا يتحرك ، حاول عمر أن يقترب منه (السلام عليكم يا حج...) لم يجبه ولم تصدر عنه أي حركة فسر عان ما اختفى هذا الرجل كأنه تبخر من أمام عمر

حاول عمر أن يتحرك يمينا ويسارا عساه يجده ، ولكن دون جدوى (مفيش فايدة ومش هلاقيه أنا أروح أحسن مش ناقص رعب أفلام أنا)...... أدار رأسه ناحية العودة فظهر له مجددا ، ولكن هذه المرة يقترب منه ويتحرك.....ها هو يقترب وتظهر ملامحههذه! ...هذه إمرأة؟!! لا لا إنها فتاة! كلا إنه رجل كلا إنه! إنه!!!! ... ماذا يحدث لي؟!... أشعر بدوار ، وقدماى لا تستطع حملي.....أنا احتاج اشئ يزيد من نسبة السكر في جسدي ، وأنا أختنق الآن وأشعر أن الأكسجين لا يصل لرأسي..... هذه!!! هذه مقدمات الإغماء أنا أعرفها! هذا لا يصدق!! ، وغاب عمر عن وعيه ملقيا على الأرض..... يالا حماقة عمر! أهذا الوقت المناسب للإغماء!!.....كيف يسمح لنفسه بأن يفقد و عيه في هذا المكان بدلا من أن يهر ب!! أفاق عمر ووجد نفسه في بيته وحوله أمه وأحمد (ايه ببني مالك احمد جابك مغمى عليك إنت كنت فين ؟.....مكنتش يا أمى أنا تعبت شوية بس) ونظر عمر إلى أحمد يشكره أنه لم يخبر أمه أنهما كانا في المقبرة..... (تلاقيك مش بتاكل يبنى هناك وبتذاكر كتير معلش يا حبيبي هجهزاك لقمة تاكلها إنت وأحمد على بال ما تفوق كدا....ماشى الله اللي حصل يا عمر أنا لقيتك اتأخرت قمت جتلكمفيش حاجة ياحمد أنا بس دوخت شويةالف سلامة عليك يا صحبى حبكت يعنى متدو خش غير عند المقابر! طب هعمل ايه ياحمد هو بايدي؟!!! لا خلاص متتعصبش يا عم وقوم يلا أمك جهزت الأكل....) علامات الإستفهام إز دادت أمام عمر ، ولم يجد مفرا مما يحدث له وأيضا لا يفهم.....لا يفهم شيئاا (يله يا حبيبي خد بالك من نفسك وكل كويس علشان تقدر تذاكر هناك ، توصل بألف سلامة.....حاضر يا أمى الله يسلمكمش عايزة حاجة قبل ما امشى إنت ولا أبويا ولا حد من إخواتيلا يا حبيبي عايزين سلامتكمع السلامةسلام) قبّل عمر يد أمه و ذهب إلى مسكنه الدر اسي.....

```
( أنا لازم أفهم ايه اللي بيحصل!! مش هينفع اسكت كدا ومعملش حاجة!!! بس هعمل ايه مانا
 مش فاهم ولا عارف حاجة ....ايه الحيرة دي بس!!!.....عمر إزيك! .....أهلا وسهلا
إنت مين!..... أنا عايدة إنت مش فاكرني؟....اه افتكرتك إزيك يا عايدة؟.....الحمد لله إنت
 عامل ايه؟....كويس!.....شكلك مش كويس خالص إنت شكلك كنت بتكلم نفسك أصلا من
                  بدرى....سيبيني دلوقتي معلش يا آنسة عايدة أنا محتاج أبقى لوحدى
      شوية.....ماشى أنا بعتذر لو دايقتك؟.....لا لا مدايقتنيش بس أنا تعبان شوية...)
     أراد عمر أن يشاركه أحد ما همه ، ولكنه لا يجرؤ قول ذلك لأحد ، لا سيما لعايدة التي لم
                                                             يعرفها من الأساس.....
                  ( عمر إنت لو عايز تتكلم أنا ممكن أسمعك عادى معنديش مشاكل.....)
  تفكر عمر فيما قالته عايدة وتذكر (أنا مش فاضية دلوقتي روح من وشي لأحسن إنت عارف
                                                                    هعمل فيك إيه!!)
     تلك الجمل و العبار ات التي كانت تقابله بها أمه عندما يحاول أن يسألها في أمر ما .....
 (عمر إنت سامعني؟....ها!...ايوة سامعك بس مش عايز أدوشك معايا...... لا لا بالعكس
   مش هتدوشني....بعد المحاضرة هستناك في المكتبة أنا بحب أروح هناك أقرأ كتب في
                         الوقت اللي مش بتبقى فيه محاضر ات....ماشى يا عايدة.)
لماذا تفعل معى كل هذا ؟!....هل تريد شيئا منى ؟.....أنا لم أعتد أن يهتم أحد بي هكذا ،
     وأشعر بشئ ما يحاورني بداخلي ، ولكني كعادتي لا أفهم ، بل أظنني لن أفهم أبداً!.....
(إزيك يا عايدة .....اهلا يا عمر .... بقلك هنا ركن القراءة مش هيسمحوا بالصوت فتعالى في
 الركن اللي هناك دا مسموح فيه الكلام عادى..... ها مالك في حاجة معاك؟....عايدة! إنت
  ليه عايزة تسمعيني مع إنى معرفتكش تقريبا ولا إنت عرفتيني..... عادى أنا لقيتك إنسان
  مثقف لما اتكلمنا المرة اللي فاتت وإن حد يقابل إنسان شبهه في كذا حاجة صعبة اليومين دول
  وخصوصا لو كان حد محترم زيك يا عمر .....احم احم! متشكر جدا لزوقك يا عايدة )
إنها فتاة مثقفة وجميلة وتشاركني كثير ا من الطباع ، أهمها أنها تقر أ وتحب الإنعز ال عن الناس
     وكما قالت هي "من النادر جدا أن تقابل إنسانا يشبهك في كثير من الصفات ، فإن صادفت
                                                و قابلته ، عليك التمسك به جيدا....."
( ها مش هتتكلم بقي ؟!......قريتي حاجة في الكتب تخص الأرواح ؟......أرواح!....ايوة
أظن كدا! ليه السؤال الغريب دا؟.....أنا مشكلتي دي! بشوف جارتنا الميتة في أماكن كتيرة
وبحلم بيها أوقات كتيرة وخصوصا الفترة اللي فاتت.....طيب ليه بتحلم بيها إنت بالذات أو
```

بتشوفها؟....مش عارف!)

حكى عمر لعايدة كل ما يُنغّص عليه وقته ، وشعر بأنه أزاح الهم من على عاتقه أو على الأقل جعل شخصا آخرا يفكر في نفس الأمر مثله ويساعده.....

نظر عمر لعايدة وهي الآخرى نظرت له فابتسمت..... ولكن عمر لم يفعل شيئا وشرد تماما عما يحدث من حوله......

في نهاية اليوم شكر عمر عايدة على استماعها له ولهمومه ، ومحاولة التفكير فيها معه

ذهب عمر إلى مسكنه حيث يتشاركه فيه (إبراهيم محمد يدرس فى كلية الطب، إسلام على يدرس فى كلية الطب، إسلام على يدرس فى كلية الصيدلة) والأخير غلب عليه التدين أما الأول فكان مغرما جدا ويكتب أشعار إ.....

وصل عمر إلى مسكنه وقد خُفف الهم قليلا من على قلبه (حيّرت قلبي معاك.....وأنا بدارى وأخبى..

سمع عمر صوت أم كلثوم وبدأ يتذكر ما حدث اليوم معه ، وكيف استطاعت عايدة أن تخفف عنه حموله ، وكيف كانت نظر اتها إليه ، وكيف كان حديثها معه......

(قلّى اعمل ايه واياكولا اعمل ايه وايا قلبي....

ذهب عمر إلى الشرفة وأخذ ينظر إلى المارة في الطريق ، ويستمع لصوت أم كلثوم القادم من غرفة إبراهيم(بدى أشكيلك من نار حبى
فعلى صوت إسلام قائلا: (وطى الصوت يا عم المغرم مش عارف أذاكر يإما تطفيه خالص
وبينما عمر ينظر من الشرفة إذ به يرى رجلا مألوفا بالنسبة له ويمشى بطريقة غريبة ، هو لا يصطدم به أحد رغم مروره المستقيم كأن أحدا لا يره
(بدّى أحكيلك عاللي في قلبي
(یا اسلام تعالی کدا لو سمحت دقیقة وارجع تانیعایز ایه یا عمر أنا بذاکرتعالی بس معلش دقیقةواحد مشغلی أغانی والتانی رایق فی الشباك یا إبراهیم یا ولدی اطفی الأغانی لو مش عشانی فعلشان الموسیقی اللی فیها دیمالها الموسیقی دی یا شیخ اسلام؟حرام یا حبیبی وأنا مش شیخ و لا حاجة دا فی حدیث عن الرسول فیما معناه "یأتی زمان علی أمتی یستحلون فیه المعازف" یعنی المعازف محرمة و هیجی زمن وأمة محمد هتحللهاتعالی بسرعة یا إسلام اخلصماشی یا عمر جای أهوها فی ایه ؟ بص کدا علی الراجل اللی بیمشی مستقیم دا!فین یبنی؟أهو قدامكأنا مش شایف غیر عربیات وناس بتمشی عادی ومفیش حاجة غریبة!بتتكلم جد یا إسلام!!
كان هذا الرجل لا يره إسلام!ولكن عمر ظل يراقبه ويراقب خطواته إلى أن اختفى من أمامهفتنهد عمر قليلا ، ثم نظر إلى الجهة الأخرى ، فوجده هو!!!! ولكن كيف!!!! لقد مر الآن من هذه الجهة فكيف أتى بهذه السرعة!!!!
صئدم عمر من هذا الذي حدث وأخذ يرمق هذا الرجل مجددا ويتابع سيره ، ثم توقف الرجل !!
خبئ عمر رأسه فرفع الرجل عينيه إلى أعلى فلمحه عمر!!!!!!!
إنه هو ذاك الشخص!!أو الشئ!!!!
هو الذي كان عند المقبرة!!!!



كما اعتاد عمر أن يخرج ليلا كلما أصابه الهم ، والوقت الآن متأخرا من الليل ، إنها الساعة الواحدة بعد منتصف الليل......

(أنا مخنوق قوى ومحتاج أخرج اتمشى شوية...).....

ذهب عمر إلى ذات المكان الذى قابل فيه عايدة ، ولكن هذه المرة لم تكن موجودة ، فأخذ يسر ح بخياله الذى أماله للتفكير في!....عايدة.

أحس عمر بالإرهاق من كثرة السير فقد قاربت الساعة الثانية الآن ، فاتّكئ على السياج الذي أمامه ، ونظر إلى ماء البحر ، ذلك المكان الذي يبعث بداخله شعورا جميلا تجاه الماء والليل والنجوم والقمر......

(إزيك!!.....باسم الله الرحمان الرحيم خضتينى!!!....إنتِ جيتى هنا إزاى فى وقت زى دا ؟....... هههههههه خضيتك إيه يا عم مانا قلتك إنى بحب أتمشى بالليل لما بكون مخنوقة وبعدين أنا انهار دا مش جاية مع صحابى وخرجت من غير ما أقلهم...... ليه عملتى كدا ، ومخوفتيش على نفسك ؟!!...... أخاف من إيه أنا أصلا بحب الليل جدا علشان الناس كلها بتبقى نايمة والوقت دا بيبقى مفيش حد فمش بتحصل مشاكل..... وصحباتى لو قلتلهم نخر ج دلوقتى مش هيوافقوا إذا مكانوش ناموا أصلا....!)

صمتا الإثنين لبعض الوقت واتكنا على السياج ينظران إلى الماء ، وفي داخل كل واحد منهما كلمات يحملها للآخر وأسئلة يريد طرحها ، ولكن لا يجرأ أحدهما على البدء.....

 تابعا السير وكل واحد منهما يبوح للآخر بمشاكله ، والهموم التي تعترضه من وقت لآخر ، فقال عمر لعايدة أنه يحب أن يكتب في كثير من الأحيان ، وذاك هو سبب عدم إحتياجه للحديث مع أحد فهو يتحدث يوميا إلى قلمه ، أو ربما يحتاج لمشاركة الحديث مع الآخرين فليس دائما ما يُجِب القلم كما نعلم!......


لابد أنها لم تكن تقصدنى بهذا القول ، فأنا مرّت أيامى وأعوامى ولم يقل لى أحد مثل ما قالت ، ولا حتى أقاربي......

لقد أخبرونى أنى الأحمق ، ذو الوجه السيئ الذى أينما حللت فى مكان تحدث مصيبة ، أخبرونى أنى الأحمق ، ذو الوجه السيئ الذى لا يتحدث إلى الناس ، لم يخبرنى أحد أنى جميل أو نادر ، أو يشعر أحد بشئ جميل أثناء وجودى ، فأنا أعتقد أنها لا تقصدنى بهذا القول ، ولكن أنا الوحيد الذى معها الآن!!.....بل نحن الوحيدان فى هذا المكان!!.....

(عايدة أنا مش بعرف أرد على الكلام دا بس شكر الزوقك إنت كمان إنسانة طيبة ومثقفة..... يعنى أتحب ؟...... ها!رد عليّا يا عمر يعنى أتحب ؟...... مش عارف!......)

تغير وجه عايدة ، وزالت بسمتها التى ظلت مرتسمة طوال طريق سير هما ، وأحس عمر أنه كان عليه أن يقول شيئا ما يلامس قلب كان عليه أن يقول شيئا ما يلامس قلب المستمع ولكن أنّا له أن يقول شيئا لا يعرفه!......

أو هذا هو عمر دفين المشاعر ، الذي لم ولن يستطع التعبير عما بداخله بطريقة صحيحة لمن أمامه.....



قرر عمر أن يعود هو الآخر إلى منزله بعدما تركته عايدة ورحلت ، أو قل هو من طلب منها الرحيل وإن كان لم يطلبه......

أثناء عودته راودته ذاكرته كعادتها (الراجل اللي بيختفي ممكن يظهرلي دلوقتي!!....أنا حاسس إنى خايف الأول مرة بالدرجة دى!!....عايدة سابتني ومشيت!.....المقبرة!..... البيت!.....أنا الازم أجرى بسرعة وأروح....)

أسرع عمر من خطوات سيره وشعر أن أحدا ما يلاحقه ، فالتفت ورائه فلم يجد أحدا ، فقرر أن يزيد من سرعة سيره ، فأحس أن الذي يلاحقه يقترب منه وها هو ، شئ ما يلامس قميصه من



استيقظ عمر ليجد نفسه في المستشفى و لا يعلم ما حدث ، ومن الذي أتى به إلى هنا ، فأخذ يعلو صوته (يا ناس ياللى هنا!!....حمد لله على سلامتك.....أنا مين اللى جابنى هنا وايه اللى حصل ؟احنا اللى عايزين نعرف إيه اللى حصل إنت تقريبا عايش بمعجزة وكان زمانك ميت أصلاكنت سبتنى أموت يا دكتور!استغفر الله مالك يبنى إيه اللى حصلك؟مفيش حاجة يا دكتور مفيش حاجة!هو مين اللى جابنى هنا؟الناس جابوك ومشيوا وقالوا إنك كنت واقع في الشارع...)

استعاد عمر طاقته قليلا ثم خرج عائدا إلى مسكنه ، و هو يحمل من الهم والحزن ما لا يعلمه إلا الله وحده ، (ايه يبنى كنت فين الليل كله دا احنا قلنا الواد اتخطف و لا حاجة !!....مكنتش يا هيما! أدينى أهو متخطفتش مالك يا عمر؟ مفيش حاجة يا إسلام أنا تعبان شوية ومحتاج أنام دلوقتى)

ضاقت الحياة بعمر ، فهو إلى الآن لم يفهم ما هذا الذى يحدث له ، وها هو الهم يزداد بتعلق عايدة به والآن رحيلها.....

(أنا حاسس إنى متشتت قوى ودماغى بتوجعنى قوى!!...)

ماذا يفعل هذا العمر المسكين ؟!.....

لا يعلم من أين أصابه هذا ، وهو أيضا لا يرد أن يُعلق أحدا به ، ربما لأنه يخشى التعلق وربما لأنه لا يستطع التقدم خطوة بعد هذا التعلق....

وربما لأنه أحب عايدة!.....

أحبها حقا فأرادها أن تبتعد عنه!.....

(سامحینی یا عایدة !..... أنا مش من الناس اللی من حقها تحب فی سنها دا ، وحتی لو حبت هتأذی حبیبها لأنی مش هقدر أتقدملك دلوقتی یا عایدة ، و لا بعد سنة ، و لا اتنین ، و لا حتی لمّا اتخرّج.......مش عارف أقلك إزای یا عایدة إن الحب و العاطفة و المشاعر مبیقدموش و لا بیأخروا......عمر هم ما بیجوزوا صاحبهم لو مش معاه الحاجة اللی بتجوز كل حد!.....لو مش معاه فلوس یا عایدة!....یا ریتك تفهمینی !!!....)

وغط عمر فى ثبات عميق جدا كأنه لم ينم قط.....(لا يا طنط زينة متأزنيش...لا يا طنط زينة).... فاستيقظ على أحلامه التى لن تتركه ينعم بنومه أبدا.....(يله يا عمر علشان تنزل الكليةماشى يا إسلام هقوم اهو...)

أثناء المحاضرة تنظر عايدة لعمر ، وعمر لا يهتم بأي شئ ، وكأن شيئا لم يكن ، ظلت عايدة تنظر لعمر عساه أن يلتفت لها أو أن يأتي ليعتذر ، ولكن دون جدوى ، ظل عمر ناظر ا أمامه ولا يعير عايدة أي اهتمام يا له من قوى المشاعر يستطيع السيطرة على نفسه وقتما شاء..... ولكنه بعدما انتهت المحاضرة ذهب إلى الحمام ، لعله يغسل وجهه ببعض الماء ، أو يقضى حاجته ، ولكن لا!!!..... لقد دخل الحمام ووقف ينظر إلى الحائط، وما هذا؟!!.... أهذه دموع عمر!!... سأعيد قولي !!.... احم احم ... يا لك من مر هف المشاعر يا عمر! تعود عايدة لبيتها وهي خائبة الأمل في ظنها الذي كانت تظنه بشأن عمر تُلقى بحقيبتها في مكان ما في حجرتها ، وتخلع حذائها ، وتستلقى على سريرها ، وها هي تمسك بهاتفها وتوصله بسماعة الأذن (حين إلتقيتك عاد قلبي نابضا..... وتبكى ، إنها منهكة مما حدث معها ، ولكن ما طبع الفتيات هذا! حقا إنهن حمقاوات!.... (عايدة!...عايدة!....نعم يا ماما...) كفكفت دموعها بسرعة كي لا تُلاحظ أمها ما بها(إنت جيتي يا بنتي؟.....ايوه يا ماما لسه جاية أهوماشى مش هتاكلى معانا؟لا يا ماما أنا عايزة أنام شوية و هاكل بعد ماصحی ... براحتك يا حبيتي..)

لماذا لم يلتفت إلى عمر ؟ لابد أنه رآني كما آرى نفسي!!!.....أنا القبيحة التي لن يحبها أحد

....أنا من لا يستحق أن يُحَب!!!....وتبكي بصوت مكتوم حتى لا يسمعها أحد.....

(وشعرت حضنك دافئا ورأيتنيرغم الحياء أذوب فيه وأرتمي)

(و جرى هو اك بداخلي مجرى دمي....

لقد أحبت عمر حقا!!!!

على الجانب الآخر عاد عمر لمسكنه ، وعندما فتح باب الشقة ليدخل سمع مرة أخرى صوت أم (و أقلك عاللي سهر ني و أقلك عاللي بكاني و أصور لك ضنا روحي ... و عزة نفسي منعاني....وعزة نفسي منعاني..) ولكن هذه المرة لم يكن الصوت قادما من غرفة إبر اهيم!.... (إبراهيم!!..ايه يا عمر؟....هو مين اللي مشغل الأغاني دي؟....دانا كنت فاكرك إنت يا عمر!!...مانا واقف جنبك أهو يا عم مشغل إيه؟.....طب تعالى كدا....) طرق إبراهيم باب غرفة إسلام فتوقف صوت الغناء ، لقد كان إسلام هو صاحب الغرفة التي يأتي منها الصوت استغرب الإثنان مما فعله إسلام صاحبهما الذي كان بالأمس القريب ينهي إبراهيم عن سماع الأغاني!!!! أيُعقل هذا!! (ايه يا عم الشيخ إسلام!!!!!....مش إنت اللي قلتلي إمبارح إن الغُني حرام؟.....إبراهيم إنت لازم تعرف إن الموسيقي هي اللي حرام مش الغني ماشي!.....يعني اللي إنت كنت مشغله دا مفيهوش موسيقى!!.....) سكت إسلام ولم يجب... (بس يا هيما ياخي وخليك في حالك.....إستني يا عمر بس علشان بعد كدا ميقليش حرام تاني!!......لا يا إبراهيم هفضل أقول إن الموسيقي حرام لإنها حرام وهفضل أقول على أي حاجة حرام حرام حتى لو الناس كلها عملت الحرام دا.....حتى لو الحرام دا كنت أنا اللي بعمله يا إبراهيم!!...)..... فبكى إسلام بعد قوله هذا وترك الغرفة ونزل إلى الشارع..... (كان لازم تتكلم بهدوء يا هيما شوية عن كدا إسلام برضوا مهما حصل فهو أخونا.....عندك حق يا عمر أنا لازم أنزل اعتذرله....هيما!...استني أنا جاي معاك لا لا خليك إنت يا عمر هو زعل منى أنا ، فهروح أصالحه ونيجى بسرعة ...ماشى متتأخر وش...)

والآن عمر وحيدا في غرفته ، وتتتاب قلبه بعض الخفقات عندما تخطر بباله إ...عايدة!

ما زال يفكر ويفكر

(هو اللى أنا عملته دا صح ؟!.....مهو مكنش ينفع أقلها إنى بحبكمكنش ينفع أعلقها بيّا.....أنا عارف إنى اللى بدأت وكلمتها فى الأول لما سألتها عن الكتاب....بس مكنتش عارف إنها هتتعلق بيا كدا!.....كنت ساعتها مهموم ومحتاج أعمل أى حاجة ، فلقيتها قدامى ماسكه الكتاب اللى بحبه!!....بس تقريبا دا قرار كويس منى إنى صديتها صح!....أحسن قرار كمان إنى مكلمهاش تانى وابعد عنها خالص!!!....لو قدرت!.) ما هذا الهواء الجميل الذى يغمر وجهى.....

ياله من هواء نقى وجميل.....

لكن لحظة!....

من أين يأتى كل هذا الهواء؟!....(المروحة مطفية والباب مقفول وبرضوا الشباك!!.....) ثم سمع نفس الصوت الذي سمعه من قبل......(عمر!!)

فانتفض عمر ، ورجع إلى الوراء ، وهو خائفا يرتعب!.....

(عمر!!) الصوت يزداد كل مرة ، ويقترب أكثر وأكثر

ثم انفتح باب غرفته بشدة وظهر منه (إبراهيم وإسلام) ، لقد كان ملعوبا منهم لير هبوا عمر ، ولكن عمر لم يكن يرتعب فقط ، بل أيضا نزلت دموعه من عينيه و هو يقول:

(لا لا لا يا طنط زينةلا يا طنط زينة ..)

(عمر!...عمر!...اهدى أنا هيما ودا إسلام طنط زينة مين يا عمر!....)

احتضن عمر إسلام وأخذ يبكي وهو يقول (أنا ليه بيحصلي كدا!!!!)

(يحصلك ايه يا عمر إحنا كنا بنهزر معاك والله...معلش يا عمر والله ما نقصد نخوفك كدا.....تعالى قوم معانا نروح أوضة إسلام.....)

هدئ عمر قليلا ، ثم قال لهم اتركوني الأن!.....

أريد أن أبقى وحدى!....

فخرجوا وتركوه وهم يتسائلوا ما الذي أصاب عمر!!.....



(هشام أنا تعبت!!.... ممكن تسمحلي أتكلم شوية؟...ماشي اتفضل يا عمر أنا سامعك....)

طوال أعوامى ، تمنيت أن أفهم نفسى ، وأفهم ماذا تريد منّى ، وفقط حاولت أن أفعل ذلك لأساعدها ولنساعد بعضنا البعض ، ولكن كل ما وجدته كان الخوف والألم ، ولا شئ غير ذلك . وجدت متاعب كثيرة ، ولم أستطع التعامل معها أبدا ، وإن ظننت انى تعاملت ، فأنا ما زلت أجهل كيفية التعامل!!........

لطالما أحببت الحب ، وأن يفهمنى شخص آخر ، ويتجاوب مع أفكارى ، وأن أشاركه بعض همومى وأسرارى ، بل كلها ، والواقع كان غير ذلك تماما ، قد يكون ذلك بسببى وأنى الذى لم يبحث جيدا ، وقد يكون ذلك ليس بسببى ، وأن الواقع هو كذلك .

أما خيالى ، فكنت أرسمه كما أريد ، والمشكلة أن الواقع لا يمكننى رسمه كما أردت ، لذلك أنا أشعر بالإحباط دائما ، وتُثتثار عيني في أقرب وقت وأقرب موقف أتعرض له ، وهذا ما يجعلنى أكره ظهورى أمام الناس ، أكره الإجتماع ، أكره أن يشاركنى أحد ما أشعر ، حتى لا يسخر منى ، او يضعنى موضع الإستغلال......

ودائما ما أقول فى سبيل تهدئة نفسى ، أن الأمور ستصبح على ما يرام ، وسيكون كل شئ بخير فقط مجرد وقت وسيمر كسابقه......

فقط هي أزمة وتزول ، وليتها حقا تزول ، ليتها تزول!!...

أعترف أنى أحببت عايدة ، بل ومن منا لا يمكنه أن يحب عايدة بما فيها من مزايا ، وحتى عيوبها التى عرفتها والتى لم أعرفها بعد أعتقد أنها أيضا ليست عيوبا فيها ، بل أراها مزايا أخرى ، وإن كانت لا تبدو كالمزايا السابقة........

قد أكون شخصا سيئا ، وأتعرض لهموم لست أتحملها ، ولكنى لست بهذا السوء ، لست بالذى يستحق أن يواجه أشياء من عوالم أخرى ، لست بالذى يستحق أن يُضاع نومه كل ليلة بسبب امرأة ميتة ، لست بالذى يستحق أن يترك من يحبها بسبب خوفه ، لست بهذا السوء!.....فقط أنا أحلم وأحاول تحقيق أحلامى ، ألأجل هذا أستحق كل ذلك؟!!!

(خلصت یا عمر؟.....عمر!....عمر!....عمر أنا هنا جنبك ومستعد أساعدك......هتساعدني إزاى یا هشام وأنا مجرد و هم جواك؟!.....لا یا عمر إنت مش و هم

إنت مستقل بذاتك يا عمر ، إنت حاجة قوية جدا ، ومينفعش أتخلى عنك فى يوم من الأيام....بتتكلم جدا يا هشام؟!.....ايوة يا عمر دا وعد منى ليك ، زى ما وعدت ناس تانى قبلك....طب واللى وعدتهم قبلى دول كان إيه مصير هم ؟ ومصير وعدك ليهم كان إيه؟.....هشام! إنت مشيت؟.....تمام أنا فهمت.)

قبل أن يخلد عمر إلى النوم ، حاول تجربة الإسقاط النجمى ، ها هو يضع نفسه على السرير ويغمض عينيه يوشك على النوم ، ثم يتخيل نفسه كما أخبرته عايدة وها هو يشعر بروحه تريد الخروج من جسده ، ولكنه يقاومها ، كتجربة أى شئ لأول مرة دائما ما يصحبه الخوف والقلق ، ففشل الأمر في أوله

ثم حاول مجددا ، وفشل مجددا ، فحاول محاولة أخيرة فشعر بشئ ما يتحسس جسده من أسفله لأعلاه ويؤلمه ، ففتح عينيه فلم يجد شيئا ، ولكنه مازال يشعر بالألم ، فقرر أن لا يجرب شيئا كهذا ثانيةً وخلد إلى النوم......

تلك الطريقة كانت من ضمن الطرق التي استطاع عمر أن يقترب بها من العالم الآخر ، وإن كان لم ينجح فيها فهم قد نجحوا في الإقتراب ، فلربما كانوا يحاولون مثله ، بل وأكثر!......

مضت أيام عمر هادئة لا يحدث له شئ غريب يقلقه ، إلى أن جاءت الليلة التى جلعت عمر يندم على فعله هذا ، قد جاءك الليل المخيف يا عمر ، وكل لياليك مخيفة!!.....

أراد عمر أن ينام بعد إنهاء محاضراته وجهد المذاكرة ، فسقط في النوم لبعض الوقت وها هو يحلم ، ويحلم بشئ غريب هذه المرة ، ليست (طنط زينة) التي ترعبه ، وليس الشئ الذي ظهر له عند المقبرة ، بل رعب جديد يضاف في قائمة عمر من ضمن مخاوفه ، ولكن هذه المرة كان الخوف ليس في الحلم فقط ، بل وله آثارا في واقعه.......

شعر عمر أن شيئا ما يأكل جسده ، ويبدأ من قدمه اليسرى ويرتقى لأعلى شيئا فشيئا ، ثم يستيقظ عمر ليجد قدمه تؤلمه ألما شديدا ، ولكنها ماز الت في مكانها كما تركها قبل النوم.........

يخلد للنوم ثانية ، فيأتى ذلك الشئ لعمر ليبدأ الأكل فى جسده من جديد ، وكل مرة يحاول فيها أن يستيقظ يجد صعوبة فى الإستيقاظ ، وريثما يستيقظ يجد ما به من الألم الشديد فى قدمه والأجزاء التى أكلها ذلك الشئ فى حلمه.........

هكذا دخل خوف جديد في قاموس عمر ، بل و هذا الخوف كان من أر عب المخاوف لعمر!!......

ومرت الليلة بين استيقاظ مصحوب بألم ، ونوم مصحوب بألم ، فلم يجد بدا من أن يستسلم لما يحدث له (أنا هنام واللي يحصل يحصل).......

فاستيقظ في الصباح ليجد الألم في أجزاء متعددة من جسده....

ولكنه مضطر لأن يذهب لجامعته ، كي يحضر محاضراته وأيضا يرى إن كانت عايدة قد أتت هذا اليوم ، فهي قد انقطعت لفترة ما من الجامعة ، ولهذا السبب قرر أن يمارس عمر ذلك الإسقاط النجمي.....

ذلك الإسقاط اللعين الذي إنضم إلى مخاوف عمر

أخذ محاضراته وعاد خائب الأمل فلم ير عايدة أثناء اليوم كله.....

فقط أراد أن يرها حتى وإن لم يحادثها!.....حتى وإن لم تنظر إليه!.....فقط أراد أن يعلم أنها بخير!......

(ایه الأخبار یا عمر؟الحمد لله یا اسلام إنت عامل ایه؟لا أنا لسه جای من الجامعة ومشوفتوشماشی یا عمر أنا نازل أجیب حاجة من تحت محتاج حاجة أجبهالك معایا؟لا متشكر یا إسلام..)

شعر عمر بحاجته لأن يكتب شيئا ما وإن كان ينتابه الإرهاق والتعب ، فأمسك بالقلم والورقة وبدأ يكتب إلى أن طرق الباب......

(ايوة جاى أهو دقيقة واحدة الفتح يا عمر حاضر يا اسلام ايه خير في حاجة ولا ايه؟ الله دا الواد إبراهيم كان متخانق تحت وابن الذين مقلناش متخانق مع مين وايه اللي حصل؟ دول شوية عيال صيع في الشارع ، بس هيما قام معاهم بالواجب متقلقش طب كويس!

أتى الليل وأتت المخاوف معه لتقضى الليل مع عمر ، حتى لا تتركه ينام وحده!! (طبعا المخاوف مبتحبش حد يخاف غير منها ، فمينفعش تسيب الدور لحاجة تانية تلعبه على صاحبها ، فلازم تتطمن بنفسها إن محدش خطف صاحبها منها!....)

انتظر عمر حتى نام إسلام وإبر اهيم ، ثم أمسك بهاتفه وأوصل سماعة الهاتف بالهاتف ، وبدأ يفتح مسجل الصوت ويمسك بالورقة التي كتبها بالنهار ويقرأ.....

أنهى عمر قراءة ما كتب وأسند الورقة على مكتبه وتأهب ليسمع صوته المصحوب بالنعاس أثناء تسجيله ، وهذا شئ رائع جدا أن تصطحب صوتك نبرة النعاس التى تكسبه لمسة جميلة من خشونة الصوت وعذوبيته.........

المُسجل يعمل وعمر مندمج مع صوته ، يحاول كشف الأخطاء التي قالها حتى يُعد تصحيحها ، ولكن من حسن حظه هذه المرة لم تكن هنالك أخطاء ، فقد اوشك التسجيل على أن ينتهى ولم يسجل خطأ حتى الأن ، وها هو يتبقى 5 ثوانٍ على إنتهاء الصوت ، فيسمع عمر صوتا غريبا بجانب صوته!!!!!!!......

هو متأكد أن أحدا لم يكن بجانبه أثناء التسجيل ، كما أن أحد أصدقائه لم يكن مستيقظا ليصدر صوتا من بعيد كى يلتقطه المسجل ، ولكن هذا الصوت واضح جدا ، ولابد أنه كان يجلس بجانبه!!!...

صوت قهقهة عالية يسمعها عمر عندما يقترب التسجيل من الإنتهاء.....


كرر عمر التشغيل عدة مرات ، ويسمع ذات الصوت في نفس الوقت في كل مرة

ثم قام عمر ليشرب بعض الماء وهو به ما به مما سمع ، فعاد ووضع سماعة الهاتف في أذنه وقام بتشغيل التسجيل فكانت المفاجأة!!!.....

لقد سمع الصوت بوضوح جدا.....

ولكن هذه المرة كان في بداية التشغيل.....

ولم يكن في النهاية!!....



حزن عمر على غياب عايدة الذى طال أمده ، فقرر أن يعتذر عما حدث منه وعن تجاهله لعايدة ، فأمسك بالورقة والقلم وأخذ يكتب...

(أنا عارفك كنتى تقصدى ايه آخر مرة لما اتقابلنا ، بس مكنش لازم أفهمك إنى كنت فاهم...... ليه؟علشان أنا لما بحب يا عايدة بتعب قوى ، واللى بيتعبنى مش الطرف اللى بحبه لا أنا بتعب من نفسى ومن أفكارى ، ومن لازم أعمل ومش لازم أعمل وحاجات كتيرة جدا مش هتفهميها إنت كبنت ، بس بنفهمها احنا الولاد ، عايدة أنا تعبان جدا نفسيا ، ومش عارف أتصرف ازاى فى حياتى ، ودايما تايه وببقى محتاج حد جنبى يا عايدة ، وانبسطت جدا لما قابلتك ، وكمان شفت فيكى الحد اللى كنت محتاجه بالمواصفات اللى عايزها

بس!!!سب

بس خوفت علیکی یا عایدة ، حتی لو إنت مش فاهمه الخوف دا ، ماحنا البشر یاما بنمشی فی طرق مبنکنش فاهمین مودیانا علی فین ، بس بنصر إننا نمشی ونکمل حتی لو الطریق دا فیه ضرر لینا ، انا مش عایز أکون سبب فی ضررك یا عایدة ، وأظن محدش یقدریضر حد بیحبه!! ، أیوة یا عایدة ، أنا بعتر فلك بحبی و خوفی فی نفس الوقت ، من حاجات كتیرة یا عایدة ، لعلك تفهمینی و متصعبیش الأمور علیا ، عایدة أو عی تز علی بسببی ، أو عی تتعبی بسببی ، أنا مستاهلش اهتمام من أی حد یا عایدة ، فاكرة لما قولتیلی إنك بتكر هی نفسك ؟......

كنت عايز أقلك وأنا كمان بكر هنى جدا ، بس مكنتش عارف هل كان ينفع أقلك و لا لا.......... حياتى كلها مليانة هموم يا عايدة ، وأنا متأكد إنك لو دخلتيها هتتأذى وأنا أكتر حاجة بتأذينى فى حياتى إنى أكون سبب فى أذية حد ، ما بالك لو الحد دا حبيبى يا عايدة !!......

محتاج أوى أشوفك مبسوطة يا عايدة ، لأن ابتسامتك اللى اتعودت عليها وحشتنى جدا ، وفى نفس الوقت بخاف عليها جدا لأكون سبب فى زوالها......

عايدة أنا كتبتلك الجواب دا ومرضتش أبعتلك رسالة على أى برنامج تواصل ، علشان عايزك تقريب الجواب تقري الجواب وخلاص..........

أنا كمان بحبك يا عايدة زي مانت بتحبيني ، وأكتر كمان

عمر سالم....)

أنهى عمر كتابة الخطاب ووضعه فى ظرف وذهب به إلى عنوان بيت عايدة الذى أخذه من زميلتها فى الكلية ، وعند وصوله أوقف أحد الأولاد (بقلك يا حبيبى خد الخمسة جنية دى وخبط على البيت دا واسأل على عايدة اديها الجواب دا وامشىماشى يا عمو...)

لم ينتظر عمر حتى يرى ماذا يحدث ، ولكنه أعطى الطفل الخمس جنيهات والجواب ورحل ، يعاتب نفسه فى الطريق على ما فعل ، هل هذا الفعل صواب ؟ أم أنه قد ارتكب خطأ بفعله ؟ كعادته تتقاذف فى عقله الأفكار يمينا ويسارا ، أعلى وأسفل وهو لا يستطع.....

لا يستطع الإمساك بأيهم ، وظل يسير في الطريق عائدا إلى مسكنه ليعد متاعه فلقد أنهى محاضراته ، وسيعود لبيته في الحي الأن.....

(حمدا لله على السلامة يا ولدى عامل ايه ؟...... الله يسلمك ياما الحمد لله أنا بخير اخواتى عاملين ايه وأبويا؟.....كلهم كويسين يا حبيبى مالك زعلان ليه كدا فى حاجة حاصلة معاك ؟...لا يا أمى مفيش أنا بس محتاج أنام شوية......)

كان قد فاض كل شئ بعمر ، اكتظّت الكلمات بداخله وتتشاجر لتخرج ، ولكنه يجاهد ويجاهد ليمنعها كعادته ، خوفا من أن يتسبب في إيذاء أحد.....

(عمر یا حبیبی عامل ایه ؟.....الحمد لله یا بابا أنا کویس!......عایز تقول حاجة یبنی؟ أنا سامعك لو عایز تتكلم قلی فیك ایه ؟...... یعنی أتكلم یابا ؟.....أیوة یبنی اتكلمكنت فین من زمان یابا!!!!!

سایبنی لیه وحدی؟ ، مش بتحاول تسمعنی لیه ؟، أنا تعبان قوی یابا ومحتاجك جنبی ، و كل الوقت اللی عدی احتجتك فیه جنبی علشان تساعدنی أو ترشدنی و تقلی أعمل ایه بس إنت مكنتش موجود ، و إحنا تقریبا اتعودنا علی غیابك!!!.........

عايز الصراحة يابا؟!....

أنا أوقات مش بلاحظ وجودك !!!، أنا بخاف يابا وببكى وبتعب وبحتاج حد جنبى ومش لاقى حد !!......

كمل يبنى أنا سامعك امسح دمو عك وكمل.....

لا مش همسح دموعى يابا أنا محتاجك تشوفها ، تشوف ابنك و هو بيبكى وتعبان ومكسور ومش عارف يعمل حاجة في حياته

طب قلى ايه اللي تاعبك؟

عارف يا بابا أنا اتعودت أرد على السؤال دا بجملة "مفيش حاجة تعبانى أنا كويس" ، لكن دلوقتى بالذات أنا عايز أقول إن اللي تعبني كتير يابا.....كتير أوى!!!....

وعايز أقلك إنى محتاج حد يسندنى ، يابا أنا لسه بخاف من طنط زينة اللى ماتت لأنها مماتش ولسه بتظهرلى فى كل مكان بروحه ، لسه محتاج حد يقلى ايه الغلط وايه الصح مكبرتش ، أنا لسه مكبرتش يا بابا ، عارف إنك محتاج حد تعتمد عليه فى غيابك ويساعدك ، بس كان لازم تبنينى الأول يا بابا مش تسيبنى وتمشى............

بابا أنا نفسى أحضنك قوى يا بابا من زمان.....)

از داد بكاء عمر ، وتابعه بكاء والده (العم سالم) ثم احتضنه بشدة كأنه يقول لابنه (لو أطول أفتح قلبي واحطك جواه دلوقتي يبني كنت عملت) زاد عناقهما ، ثم قال عمر (إنت بتخليني أكر هك ليه يا بابا ؟...... ليه مش بتساعدني أحبك ؟...... ليه مش بتقرب منى وبتقلى على الصح والغلط ؟.....


أصل!!...أصل يبني....

أصل ايه يابا !!! ايه اللي يخلى اب يسيب ابنه كدا ؟ أنا بحاول كتير يابا أحبك بطرق كتيرة بس للأسف بلاقيني مش عارف!!!!)

تغير وجه الأب وشعر بأنه لا يُرد الكلام ، هو فقط يستمع لقول عمر ، ويكشف عن ابتسامة من فمه تدل على شئ ما ، ربما كانت تدل على حبه لقول عمر ، أو ربما كانت تدل على حزنه الشديد على عمر وإن كان عبر عن الحزن بالإبتسامة! ، أو ربما كانت رسالة لعمر يقول فيها (هتفهم بعدين يا عمر أنا عملت كدا ليه!..) أو ربما كانت لا تدل على شئ!......

على الجانب الآخر شعر عمر أنه ارتكب خطأ بما قاله لوالده ، وكيف استطاع أن يحادث أباه بهذه الطريقة ؟!!!!.....ولكنه لم يتمالك نفسه حينما انفجرت بداخله كل الكلمات التي تتقاذف منذ زمن على قلبه!!......

خرج عمر أيضا طلبا للهواء النقى ، وها هو عمر أضاف هما آخر فوق همومه ، وهو أنه جعل أباه يشعر بأن عمر يحتاج لرعاية الآن ، لذا سيبذل والده ما بوسعه لتوفير ذلك لابنه ، وهذا ما يخيف عمر!!!! أن يكون سببا في إصابة أحد بالهم أو الحزن أو التعب!......



وغاب عمر عن وعيه مجددا!!!!.....



انتظر والد عمر وطال إنتظاره بالخارج ، فقرر أن يدخل الغرفة ليرى ماذا يحدث ، وعندما دخل إذ به يرى عمر ملقيًا على الأرض لا يتنفس ، أما الشيخ فلم يجده......

اهتم الآن بابنه الذى حاول إفاقته بشتى الطرق فلم يستطع ، جاء له بطبيب يسكن قرب منزلهم ، فانحنى عليه الطبيب يجث النبض فى عنقه ، فلم يجد نبضا إلا شيئا خافتا لا يُلاحظ ، عندها أسرع بطلب الأدرينالين الذى حقنه بشدة فى مكان بجوار القلب ، فاستيقظ عمر وهو ينزف الدم من أنفه ويسعل......

(ایه یبنی اللی حصل والشیخ اختفی علی فین ؟!...مش عارف یا بابا أنا كنت ساعتها دایخ ومش حاسس بحاجة!...... ماشی الحمد لله علی سلامتك یا حبیبی یله علشان وقت العلاج اللی كتبهولك الدكتور جه.....ماشی یا بابا...)

تحسنت حالة عمر شيئا ليس بالكثير ، وها هو يودع أمه وأباه ومن في البيت ، فاستوقفه أبوه قائلا:

(عمر يبنى! أنا عارف إنى قصرت معاك قوى فى كل حاجة ، وعارف إنى معرفتش أساعدك زى مانت عايز ، بس غصب عنى يبنى واللهِ غصب عنى !!!...... ولا يهمك يا بابا أنا مقدرش أز عل منك ومش عايز أشوف الدموع على خدك يا بابا أنا أسف إنى زعلتك بكلامى إمبارح!!....)

تعانقا الإثنين ثم تركهم عمر ورحل.....

فى طريقه إلى مسكنه يفكر فيما حدث له مع الشيخ الذى لم يكن شيخا ، وبدأت ذاكرته تؤلمه بزينة ، وبالخوف ، وبيد ذلك الرجل التى كانت مقطوعة ، وبموقفه مع والده الذى ندما شديدا على ما قاله له ، ولكن الآن كل شئ أصبح فى الماضى ، فلن يُغير الحزن شيئا فى الماضى ، بل لن يُغيره أبدا!.....

وصل إلى مسكنه وسلم على إبر اهيم وإسلام الذين افتقداه بعض الوقت.....

(ایه یا عمر الغیبة دی یا عم طمنا علیكالحمد لله یا إسلام أنا بخیر إنت عامل ایه و هیما ، لسه زی مانتوا بتضربوا بعض و لا عقلتوا هههههههلا یا عم أنا عقلت عن نفسی بس هو الحیوان اللی جنبك دا مش ناوی یعقلأهو شایف بیضرب ازای طب و الله مانا سایبك یا حیوانههههههههه)

اجتمع الثلاثة في غرفة واحد منهم وأخذوا يتسامرون بالليل ويضحكون.....

(شوفت اخر الأخباريا عمر؟ايه يا سُلم؟مش الواد هيما كلم البنت إياها انهاردا وخلاص اتفقوا على خطوبة قريب!الف مبروك يا عم هيما بس هى وافقت إزاى على واحد أهبل زيك ؟!...هههههه

عقبالك يا عمر لما واحدة عبيطة ترضى بيك وواحدة عبيطة تانية ترضى بإسلام ههههههه ها يا هيما هتعزمنا ولا هتتوطين كعادتك؟!.....دا كلام يا عمر ؟....طبعا هتوطين كعادتى هههههههه.....

واطى واطى يعنى يا هيما!! هههههه حبيبى.....

يعنى أعمل ايه يا اسلام؟......اعمل فرح يا هيما واعزم الناس كلها بس متشغلش أغانى بتوع اليومين دول والحاجات اللى فيها موسيقى ، هات منشدين دينيين يا هيما... وعمر أهو صوته حلو جدا ممكن يساعدك فى الليلة دى ، واعزل مكان للستات ومكان للرجالة وخلى العروسة مع الستات وإنت خليك مع الرجالة وصدقنى إنت ساعتها هتكون أسعد حد فى الدنيا وكمان بداية حياتك إنت وعروستك مش هتبقى معصية لربنا بل بالعكس دى هتبقى طاعة وإدخال السرور على ناس كتيرة جدا.........

يا مسهل إن شاء الله خير يا عم سئلم....والله إسلام بيتكلم حلو يا هيما ودا الصح واللى المفروض يتعمل كأفراح في بلد مسلمة زى مصر....والله يا جدعان هفكر في الموضوع دا بس أنا يا دوب كلمتها هي وحاولت أحدد معاد مع أبوها عن طريقها يعنى لسه الحكاية على البر محصلش حاجة للتخطيط دا كله إهههههه.....

ربنا يتمملك بخيريا عم هيما حبيبي عقبالك يا سلم وعقبال عمر هو كمان)

انتهت سهرتهم التى أدخلت عليهم السرور والأمل فى الحياة ، ثم افترق كل منهم إلى غرفته ليناموا ، أما عمر فقد ذهب لغرفته ليُصارع الخوف!!!.....

نام إسلام ونام إبراهيم، وظل عمر مستيقظا لا يعرف النوم طريقا لعينيه، يتقلب يمينا ويسارا محاولا أن ينام ولكن أنّى له النوم وعقله في قمة ثورته من التفكير!!!!....

وبعد جهد طويل وعندما قاربت الساعة الثالثة بعد منتصف الليل ، قد طرق النوم باب عمر وأخذ يشعر بالنعاس وها هي عيناه تغمض وقد سقط في النوم......

(إنت مين ؟.....هعهعهههه أنا اللي مسوّد حياتك ومش هرتاح غير لو كلتك!!.....)

بدأ عمر يتقلب في فراشه وتظهر على وجهه علامات الألم ويُمسك بقدمه اليسرى التي بدأ ذلك الشئ يأكل فيها في حلمه ، وها هو يضع يده على قدمه اليمنى ثم يتحسس جسده لأعلى شاعرا بالألم ، هو يريد أن يستيقظ لكنه لا يستطع ، شئ ما يحبسه في مكان ما ولا يرد تركه ، وأيضا يجعله يشعر بالألم ، وها هو عمر يصرخ في نومه في ذلك الشئ ، فاستيقظ عمر!.....

يتحسس جسده الذى توعك فى ألم شديد جرآء هذا الحلم الذى ينتقل للواقع ، هناك ألم فى قدمه اليسرى واليمنى وأيضا فى الجزء العلوى من جسده هذه المرة قد أصاب الألم أجزاء كثيرة منه ، وبدأ يقلق ويفكر إذا ما وصل ذلك الشئ وأكل جسمه كله ماذا سيحدث لعمر؟!!!......

أتى الصباح الذى يربت على كتف عمر بضوئه الجميل ويزيح عنه هم وخوف الليل المؤلم (يله يا عمر اصحى علشان تروح الكيلة.....ماشى يا إسلام أنا صاحى وهقوم أهو.....صباح الخير يا شباب.....صباح الفل يا هيما يله قوم إنت كمان علشان متتأخر ش.....أوك يا سئلم)

يُنصت عمر بانتباه لشرح المُحاضر ، وما يقطع إنتباهه هو صوت قادم من الخلف يقول : (مانت بتعرف تكتب أهو وبتعبر عن اللي جواك !....)

التفت عمر ليجدها هي!!..... وكأن السعادة شقت قلب عمر لتدخله في ذلك الوقت ، وكأن كل الورود قد أحاطت بعمر ، وكل الطيور تُغرد فوق رأسه......

(إنت يبنى ياللى بتبص وراك!....نعم يا دكتور! معلش أنا اسف.....طب ركّز معايا علشان مطلعكش برّه.....حاضر يا دكتور!.....)

ضحكت عايدة من هذا الموقف ، فابتسم عمر و هو ينظر للأمام وبعدما انتهى المُحاضر من شرحه خرج الجميع لوقت الإستراحة.......

(عامله ايه ؟......الحمد لله كويسة إنت أخبارك ايه ؟....بقيت كويس لما شوفتك يا عايدة ، ليه الغيبة الطويلة دى ؟.....مكنش ليا مزاج أجى الكلية ، وكمان والدتى كانت تعبانة شوية فقلت

(یله یا عم هیما إحنا جهزنا الأكل وإنت اغسل المواعین دی علشان أنا خارج أتمشی وإسلام رایح یذاکر....ماشی یا معلمین ، ابقی هات معاك سلك مواعین یا عمر وإنت جای علشان تقریبا مش فاضل كتیر!.... ماشی یا هیما..)

ذهب عمر ليتمشى بعد هذه الوجبة اللذيذة التى أكلها مع أصدقائه ، والشئ الذى ليس بالجديد على عمر هو أنه صديق للهموم والأحزان ، فأنى له أن تتركه حتى لبضع لحظات!!......

بدأ عمر يشعر ببعض السعادة قليلا ، ويتغنى ببعض الكلمات في الطريق ثم دق جرس هاتفه المحمول
(رحلت إلى بحار العشق حلميأضم لروحى الحر يداهأعانق طيفه فأهيم شوقا
ألوایه!!!! فی ایه!!!!! مالك یا امی بتعیطی لیه كدا؟!!! اهدی اهدی و فهمینی فی ایه!!! ابوك یا عمر لناتلاتمننبت!!! ماله أبویا؟!!! اهدی علشان أفهمك!!! أبوك مات یا عمر!!)
يالك من مسكين يا عمر!
تُطاردك الأحزان أينما ذهبت ، ومهما حاولت لتتصنع الفرح ، فلن تستطع!
حاول عمر أن يتمالك نفسه ، ولكن من أين له القوة التي تمده بالثبات في مثل هذا الوقت!!!
حاول عمران يتمالك تفسه ، ولكن من اين له القوه التي تمده بالنبات في من هذا الوقت!!! سأتركك الآن يا عمر تحاول تقبل هذه الصدمة بالطريقة التي تناسبك

الفصل العاشر.....

```
(إنتِ مين؟....أنا عايدة حبيبتك يا عمر!.....وايه اللي إنت لابساه دا يا عايدة! وعايزة
                                   ایه؟! عایز اك إنت یا عمر مش فاهم!! ...)
                                          اقتربت عايدة من عمر وأمسكت بيده.....
       (أنا بحبك يا عمر، ولازم أقف جنبك في حالتك دي ....ماشي بس ابعدي عني مش
                                                                         كدا!!!...)
عايدة تقترب من عمر أكثر وأكثر ، حتى أصبح وجهها يقابل وجه عمر ، وها هي تُحرك شفتيها
 وعمر يقترب منها هو أيضا ، يقتربا من بعضهما أكثر وأكثر وكادت شفتاهما تتلامسا ، ثم قال
                                                                            عمر :
        (لا ياعايدة ابعدى عنى ميصحش كدا !!..... أنا بحبك يا عمر ، هو إنت مش بتحبنى
  ؟! بحبك يا عايدة بس مينفعش كدا!!! عايدة ابعدي يا عايدة إلى الا
                                                                      يا عايدة!...)
         فأخذ يتقلب يمينا ويسارا في فراشه وصوته يعلو ( لا يا عايدة!!!.... لا يا عايدة!!...)
                                                         واستيقظ من نومه فز عا.....
 وضع يده على رأسه وبدأ يستغفر ويتعوذ بالله من الشيطان ثم شرب بعض الماء وهدأ قليلا....
                      أراح رأسه على وسادة السرير وهو يفكر في حلمه ، فطرق الباب .....
                           (يله يا عمر إلحق كليتك ...... ماشى يا اسلام أنا صاحى....)
 ذهب عمر إلى كليته ، وقد نسيت الإبتسامة طريقة ارتسامها على وجهه منذ مات والده!.....
   (ایه یبنی مکشر لیه کدا ؟ ..... عادی مفیش حاجة یا عایدة! .... عمر انت عارف إن
  كلنا هنموت ووالدك بقاله حوالي سنة ، فلازم تتأقلم يا عمر وتفكر في المستقبل.....حاضر
   هتأقلم و هفكر في المستقبل!....طب فك بقى وتعالى نتمشى شوية قبل ما الدكتور يدخل
 .....عایدة أنت لازم تبعدی عنی! .....ایه دا تانی یا عمر نفس الکلام تانی!! .....لا
 يا عايدة إنت لازم تبعدي بجد! ليه بقي ؟ كدا يا عايدة من غير ليه! عمر
                                     إنت ليه كل فترة والتانية لازم توجع قلبي ؟.....
 علشان اللي بينا دايا عايدة مينفعش يبقى بينا!!.....لحظة هو ايه اللي بينايا عمر! أنا بحبك
       وإنت بتحبني فيها حاجة عيب ولا حرام دى ؟!!.....أيوة يا عايدة فيها عيب وحرام ،
 خروجاتنا يا عايدة وكلامنا ، وكل دي تجاوزات يا عايدة متنفعش تحصل بين اتنين مفيش بينهم
                                                  رابط شرعي زي الجواز
```

يعنى علشان أكلم حد وأتمشى معاه لازم اتجوزه؟!!مش كدا يا عايدة إنت مش فاهمه ليه!!!
فهماك يا عمر وفاهمة قصدك بس ايه المشكلة نتجوز عادى يا عمر!ايوة يا عايدة أنا عايز كدا ، بس أنا مش جاهز ماديا ، وزى مانت عارفه الغلى اللى حاصل فى كل حاجة الأيام دىخلاص بسيطة يا عمر نتجوز ومحدش يعرف غير أنا وإنت!
إنت بتقولى ايه يا عايدة !!!
تركته عايدة ورحلت ولم تذهب إلى مكان المحاضرة ، لابد أنها نسيتها ، أو ربما لم تنسها! ، وعمر أيضا لم يذهب للمحاضرة
ربما الآن تكون نهاية علاقة عمر بعايدة ، أو ربما هي البداية!
أخذ أحزانه وذهب بها إلى حيث لا يدرى ، وظل يمشى إلى أن أحس بانقطاع المارة من حوله ، فنظر حوله فلم يجد أحدا ، وقد دخل عليه الليل!
ينفخ الهم من فمه فى الهواء الحار الذى يُخرجه ، يتفكر فيما يحدث له ، دموعه تظهر بداخل عينيه ، ولكنه يحاول كبتها
(أبويا مفيشوعايدة كمان بقيت مفيشومش قادر أنام ولا قادر أصحىأنا بموت بالبطيئأنا تعبان أوىتعبان أوووووى)
ثم جلس على الأرض ووضع يديه على وجهه ، وبدأ جسده ينتفض من أثر البكاء الشديد والرعشة التي أصابته!
أطال الجلوس على هذا الوضع وطال بكاءه ، ثم رفع وجهه لأعلى فأحس بهواء يداعب وجهه بشدة ، فنظر يمينه فوجد ذلك الرجل الذي ظهر له عند المقبرة وهو على مسافة منه
توقف بكاء عمر وأخذ ينظر إليه بعينين حادتين ، قام عمر يسير باتجاهه ولا يخاف أى شئ

نعم إنه الوقت الذى يصاب فيه الإنسان بالشجاعة جرآء خوفه الشديد ، لقد تعب عمر من كل شئ ، لقد خاف من الكثير ، ولم يعد الآن يخاف ، لم يعد يفكر في شئ ، أمامه ذلك الشئ و هو يسير باتجاهه ويسرع
تزداد سرعة عمر تجاه ذلك الشئ ، هو يقترب ، اقتربا من بعضهما ، اقتربا أكثر ، الآن عمر يراه بوضوح ، يرى ملامحه ، عيناه الجاحظتين ، ويده المقطوعة ، وثيابه المتقطعة ، وجهه الذي يحتوى على ندبات حول جبهته ، يرى كل ذلك عمر ولا يخاف ، فقط الدموع تملئ عينيه ولكنها لا تخرج (إنت عايز منّى ايه!!!!!!!!!)
قالها عمر بصرخة شديدة وأنا لا أعرف كيف قالها!!! ولكن لابد أنه تولّى الكتابة بدلا منّى في هذه اللحظة وكتب صرخاته كما يريد!!!
هم عمر أن يضرب هذا الشئ بيده ، ولكنه سرعان ما اختفى ولم يعد له أثر
جرى عمر يمينا ويسارا لعله يجده ، ولكن دون جدوى
إز داد بكاء عمر وحدته ، في مخيلته الأن يسبح فيها والده ، والموقف الذي حدث بينهما قبل موته
(فی حد یسیب ابنه کدا یا بابا!!سیبتنی لیه ومشیت یا باباأصل!أصل یبنی!أصل یبنی!أصل ایه یا بابا أنا مش قادر أحبك!!)
تذكر وجه أبيه عندما تغير بعد سماعه ذلك الكلام من عمر ، وتذكر تلك الإبتسامة التي رسمها على وجهه ، كانت ابتسامة خفيفة لم يفهمها عمر ، بل أيضا لم تكن تدل على شئ من وجهة نظر عمر!
الآن هو يفهم كيف كان والده يحبه ويتركه ويذهب بعيدا ، ليأتي له بالمال الذي يعينه على در استه!
الأن عمر يفهم لما لا يرى والده إلا كل حين وحين!
الأن عمر يفهم سر تعب والده الدائم وإنهاك وجهه!
الآن عمر يفهم كل شئ كان يفعله والده!
ولكن!!!
لقد فهم عمر كل ذلك وأكثر بعدما تأخر الوقت!
بل تأخر حدا في فهمه!!

بعض أفعالنا وإن لم يكن معظمها! نُرتب حدوثها على ما توصلنا له من الفهم ، لا على ما يجب أن تكون!!!!
فات الأوان يا عمر على فهمك!!
حقا لقد فات!
حوار مع الكاتب
(ليه كدا يا هشام؟!!ليه عملت فيا كل دا!!!أنا معملتش فيك حاجة يا عمر دى حياتك الخاصة بيك ، وهى مليانة رعب سواء كان رعب بيخوّف ، او رعب هموم بيموّت!
طب سبتنى ليه ومرضتش تكتب فى وقت وفاة أبويا؟كان لازم أسيبك لوحدك يا عمر ودى الأوقات اللى بنحتاج فيها نبقى لوحدنا!
لا يا هشام بالعكس أنا كنت محتاجك جدا في الوقت دا أو محتاج عايدة أو أي حد تدلني عليه
كنت هتتعذب أكتر في حياتك بعدين يا عمر لو كنت لقيت حد من اللي بتقول عليهم دول
متعتمدش على حديا عمر في التخطّي ، اتخطّى لوحدك يا عمر ، ولما تحتاج مساعدة اطلب من أهلك مش من حد غير هم
اسكت يا هشام أهلى كل واحد فيهم فى حتة ومفيش حد فيهم واقف جنبىعرفهم يا عمر إنك محتاج مساعدة ، مانت اللى ساكت وكابت جواك ، امك بتحبك جدا يا عمر ومستعدة تضحى بأى حاجة علشانك ، إلحق افهمها يا عمر ، قبل متتأخر زى اللى قبلها)
أفاق عمر من جلسته وذهب إلى بيته ، وهو يخطط لأشياء يجب أن يفعلها فى أيامه القادمة أولها كان يجب عليه أن يحصل على عمل ليواكب أعباء در استه من التكلفة وغيرها ، ويعين أهله فى البيت
ذهب عمر يبحث عن عمل حتى شُلّت قدماه أثناء بحثه من التعب
(آسفین یا فندم بس الشغل المتاح هنا بنات بسآسفین یا فندم بس الشغل المتاح هنا یتطلب حسن المظهر والجمالآسفین یا فندم مش متوافر شغل لحضرتكآسفین یا فندم مفیش شغلأملى البیانات دى یا فندم ولو احتجنا هنبلغ حضرتكسیب بیاناتك هنا یا فندم و هنرد على حضرتك)

على الجانب الآخر أرادت عايدة أن تحصل على عمل هي الآخري ، ولم تتعب كثيرا في ذلك ، فقط اتصال هاتفي وجد لها العمل.... (ألو..... أهلا وسهلا يا فندم.....لو سمحت كنت بدور على شغل لو متاح وايه الشروط.....متاح يا فندم ، والشروط حسن المظهر ، يا فندم ابعتى صورة حضرتك وهنرد عليكيطب ثانية واحدة الرقم دا عليه واتس؟ايوة يا فندم ابعتي صورتك تم بعتها......تمام يا فندم هتشر فينا بكرة إن شاء الله علشان تعرفي تفاصيل الشغل والمواعيد مبروك استلامك الشغل يا فندم الله يبارك في حضرتك في لم بمتلك عمر ما امتلكته عابدة حتى بُقبل! لا يملك عمر نعومة الصوت ، ولا نهدين ، ولا شعر اطويلا يجذب الناظرين ، ولا أردافا متناسقة ، ولا أي شئ من هذا الذي يجذب كل الرجال وكل رؤساء العمل!..... تُقبل الفتيات في كل مكان تذهب إليه تطلب العمل ، وإن كانت لا تملك أي خبرة علمية أو عملية....فهي تملك نوعا آخر من الخبرة ما أدرانا به نحن الرجال!!..... نام عمر مع همومه في بيته بعد تركه للمسكن بجانب جامعته لعدم قدرته على الدفع ، ولكنه كان من حين لآخر يجد عمل يستطيع من خلاله دفع بعض المال ليمكث بعض الأيام في سكنه مع هموم كثيرة قد أصابت عمر ، وأصابت الكثير أمثال عمر ، ولكن الرضى والقناعة وحسن الظن بالله لطالما كانوا هم الحل الوحيد والأوحد لمثل هذه الهموم ، فأصبح عمر يتميّز بهم.... ذهب عمر يبحث عن فرصة عمل أخرى ، ولم يتوقف عندما لم يجد ، أو عندما وجد العاملين فقط هم نساء ، سواء كانت النساء نساء حقيقات أم نساء أخر! (رجالة متنسونة مش بتشغل غير أمثالها)..... (بقلك يا صحبى إنت جاى هنا على شغل صح؟ايوة وإنت برضوا جاى على شغل ؟.....أيوة إن شاء الله.....إنت اسمك ايه؟....عمر سالم وإنت؟....محمد أحمد وجاى تبع مین یا عمر؟..... تبع مین إزاى ؟..... یعنی مین موصتی علیك ، مثلا أنا جای تبع عونی بیه وكدا.....اه قصدك واسطة يعنى وكدا؟!....ايوة بالظبط لأن هنا لازم يكون ليك واسطة علشان تتقبل للأسف! أنا جاى أشتغل ، وأملى في ربنا ومش مستنى واسطة تشغلني!اه! يبقى سامحني يا صحبي هتتوجع كتير في أيامكمش فارقة! أنا مستعد! و دايما مستعد لأي حاجة ! ربنا معاك يا صحبي معانا كلنا إن شاء

الله

محمد أحمد!ايوا يا فندم موجود أهو!تعالى اتفضل استلم شغلكلو سمحتى يا فندم أنا اسمى عمر سالم ليّا شغل؟جاى تبع مين يا أستاذ عمر؟متبعش حد!للأسف يا أستاذ عمر حاليا مش متوافر شغل ، بس سيب بياناتك هنا ولو احتجناك هنابغكتمام سلام عليكمالبيانات يا استاذ عمر!استاذ عمر!
يحاول عمر النوم بعد يومه الطويل الذي أرهقه إرهاقا شديدا
حالما وضع رأسه على وسادته ، إلا وسرعان ما غرق في نعاس عميق جدا
(هيما هو عمر اتعشى قبل ما ينام؟ مش عارف والله يا اسلام بس هو مكلش معايا ولا كل معايا برضوا تلاقيه اتعشى برا؟ لا هو مش متعود ياكل برا!! طب نصحيه ياكل وينام تانى ؟! لا سيبه دلوقتى نايم ولما يصحى نبقى نشوفه ربنا معاه من ساعة موت والده و هو حاله اتشقلب! لازم نقف جنبه يا هيما اليومين الجايين دول ، وربنا معاه إن شاء الله أكيد يا اسلام ياخويا لازم)
(هعهعهعهه مش قلتلك مش هسيبك إلا لما أكلك!هعهعهعه)
عمر يتقلّب في فراشه يمينا ويسارا ، وترتسم علامات الألم على وجهه ، يده متصلبة في مكانها ، وقدماه الإثنتان لا يستطع تحريكهما ، بدأ الألم يزحف لأعلى جسده ، يمر بمعدته ، وهو يتلوى بنصفه العلوى ، قد ثبت نصفه العلوى ، بدأ يُحرك رأسه يمينا ويسارا إلى أن استيقظ وهو يصرخ
(أعاااااااااااااااااااااااااااااااااااا
(عمر مالك في ايه ؟

عمر؟!ايوه يا اسلام هي الكوابيس، وفي واحد بياكلني، وبصحى زى مانت شايف أهو مش قادر أتحرك!!!!!!!! طب تعالى معايا يا عمر)
أخذ اسلام عمر وذهب به لحجرته ورشه ببعض الماء ليفيق ، ثم أتى بإناء ماء وأخذ يقرأ عليه سورة البقرة وبعض الآيات من القرءان
وبعدما أنهى إسلام قرائته رش عمر ببعض الماء ، ورش أيضا جوانب غرفة عمر ، وقال له اذهب وتوضأ ببعض الماء ، ورش الباقى منه على جسدك كاملا
توضأ عمر ببعض الماء الذي أعطاه له إسلام ورش على جسده البعض الآخر وتبقى القليل من الماء فأخذه ليرشه في جوانب حجرته وفي أرجائها
ها هو يرش الجانب الأول
ثم الثاني
ثم الثالث
ثم هم أن يرش الرابع فسمع صوت صرخة بعد رشه
قادمة من هذا الركن الأخير!!!
صرخة لم يسمعها أحدا غير عمر!!!



(مالك يا عايدة بتعيطى ليه?عايدة! عايدة! ردى عليا)
فاقترب منها عمر ، وحاول أن يضع يده على كتفها ليرى ما بها ، ولكنها سرعان ما رفعت وجهها تنظر إليه وهى جاحظة العينين ومخيفة المنظر وترتسم ابتسامة شريرة على وجهها!!
فاستيقظ عمر من نومه فزعا يتعوذ بالله من الشيطان الرجيم ويتمتم ببعض الكلمات
(هو انا اخلص من اللي بياكلني دا يطلعلي كابوس غيره!!)
ووضع يده على رأسه وبدأ يتفكر في عايدة وما حدث بينهما في مقابلتهما الأخيرة
(لازم تبعدى يا عايدة ، لازم)
بدأت بعض الأفكار تراود عمر ليُحادث عايدة!
(أنا ليه قلتلها لازم تبعد!! بس أنا كنت خايف عليهاطب مهو أنا بحبهابس احنا كنا بنعصى ربنا بكلامنا دا ، غير أحلامى بيهاطب أكلمها دلوقتى!لا مش هينفع ، خلاص يا عمر سيبها وادعيلها ربنا يصبرها ويحفظهابس أنا بحبها!بس يا عم عمر بس بس!!)
(إنتِ دايما مسببالى المشاكل يا هانم و عمرك ما حاولتى تساعدينى فى حياتى! انت اللى راجل مبتفهمش و عمرك ما حسيت بيا لغاية ما وصلنا للى احنا فيه دا!انت كر هتينى فى حياتى يا شيخة و لازم أخلص منك!!)
انت اللي راجل مبتفهمش و عمرك ما حسيت بيا لغاية ما وصلنا للي احنا فيه دا!انت
انت اللي راجل مبتفهمش و عمرك ما حسيت بيا لغاية ما وصلنا للي احنا فيه دا!انت كر هتيني في حياتي يا شيخة و لازم أخلص منك!!) ثم سمع عمر وأصدقائه أصوات ضرب عالية قادمة من الشقة التي تعلو شقتهم ، و على صوت
انت اللى راجل مبتفهمش و عمرك ما حسيت بيا لغاية ما وصلنا للى احنا فيه دا!انت كر هتينى فى حياتى يا شيخة و لازم أخلص منك!!) ثم سمع عمر وأصدقائه أصوات ضرب عالية قادمة من الشقة التى تعلو شقتهم ، وعلى صوت الشجار ثم
انت اللى راجل مبتفهمش و عمرك ما حسيت بيا لغاية ما وصلنا للى احنا فيه دا!انت كر هتينى فى حياتى يا شيخة ولازم أخلص منك!!) ثم سمع عمر وأصدقائه أصوات ضرب عالية قادمة من الشقة التى تعلو شقتهم ، وعلى صوت الشجار ثم (طخطخطخ) ارتجف عمر وأصدقائه من صوت طلقات النار هذه ، وما كان بهم سوا أن صعدوا لأعلى ليروا
انت اللى راجل مبتفهمش و عمرك ما حسيت بيا لغاية ما وصلنا للى احنا فيه دا!انت كر هتينى فى حياتى يا شيخة و لازم أخلص منك!!) ثم سمع عمر وأصدقائه أصوات ضرب عالية قادمة من الشقة التى تعلو شقتهم ، و على صوت الشجار ثم (طخ طخ طخ طخ) ار تجف عمر وأصدقائه من صوت طلقات النار هذه ، وما كان بهم سوا أن صعدوا لأعلى ليروا ماذا يحدث الرجل ملقي على الأرض بجانب زوجته يبكى وممسك بسلاحه ، وزوجته ملقية على الأرض

حزن إسلام وإبراهيم وعمر على هذا الحادث ، إنهم كانوا يعرفون (مدام رضوى) فقد كانت تلقى عليهم السلام وكذلك هم كلما رأوها، والآن قد رحلت!......

أتى الليل على عمر وكعادته مع الهموم يرافقها ، ثم قرر أن يمسك القام وليكتب....

لا يعرف ، هو فقط يعلم أن يده تمسك بالقلم وأمامه الورقة ، لنرى ماذا سيكتب....

(عايدة!.....أنا بحبك يا عايدة ، ومش عارف أقضى أيامى من غيرك ومن غير ما اتطمن عليكى ، بس اللي منعنى إنى أكلمك يا عايدة أقوى منى ومنك.....

عارفة يا عايدة أنا كل همى إنك تبقى مبسوطة ، سواء معايا أو مع غيرى اللى يكون من نصيبك ، مع إنى بتمنى تبقى معايا.....

بس لو مكنش لينا نصيب فبتمنالك السعادة مع شريك حياتك.....

ومتز علیش علی فراقنا یا عایدة ، متز علیش إننا بعدنا ، جایز قربنا کان رسالة لیکی بتقلك إنك حلوة وتتحبی و فی ناس کویسة هتقابلیها فی حیاتك و هتفهمك ، وجایز برضوا کان رسالة لیا أنا كمان بتقلی إن فی ناس لسه بتحب بإخلاص......

في ناس لسه قلبها أبيض وطيبة ومتعرفش الغدر ولا اللعب بالقلوب وكسر ها.....

فى ناس ممكن تحب ومش مستنية مقابل لحبها اللى بتقدمه.....

في ناس شبهك يا عايدة

عن الحب فأنا حبيتك ، ولو كنتى من نصيبى هبقى أسعد إنسان ، وهدعيلك طول الوقت ، إنما لازم نطيع ربنا يا عايدة ونبعد!.........لازم نبعد يا عايدة!!!)

أنهى عمر الكتابة ثم طوى الورقة وقبّلها ووضعها بين كتبه حتى لا تضيع

لو تعلم يا عمر أن هذا الحب قد أصبح إصابة لقلب الحبيب! ، فهى أحبتك وأنت أحببتها ولكن أتى ذلك الحب فى وقت ليس بالصحيح ربما ، أو ربما هو الوقت المناسب ولكن الظروف لم تكن فى صفك......

وكأن الحب في هذه الحالة يا عمر أصبح شرا ، وكأنك تريد أن تقول :(حاولت إبعاد كل الأذى والشرور عنكِ يا حبيبتي ثم أصابكِ شرّى!!)......

تفكر عمر قليلا في بعض الأشياء الخاصة به ، ثم أراد أن يخلد إلى النوم ولكن لم يطرق النوم بابه بعد ، فقرر أن يذهب خارجا كعادته ليتمشّى لبعض الوقت.....

ذهب إلى المكان الذى قابل فيه عايدة ، وهو ينظر إلى المكان الذى كانت تجلس فيه عند أول لقاء لهما ، يتخيلها وهى ممسكة بالكتاب الذى كانت تقرأه.....

(السلام عليكم عليكم السلام السلام السلام السلام عليكم السلام عليكم السلام السلام عليكم السلام السلا

تذكر الحوار الذى دار بينهم ، وكيف كانت تنظر إليه فى بادئ الأمر ، ثم لاطفت عينيه الدموع!......

كفكف دموعه وأكمل مسيرته يفكر ويفكر في مستقبله ، وكيف يجد فرصة العمل التي من خلالها يستطيع دفع إيجار سكنه وإعانة أسرته وتوفير دخل لهم؟!.....

(أنا عارف إنى مش لوحدى وربنا مش هيسبنى أبدا مهما بعدت عنه ومهما عصيته ، فأنا مليش غيره ودايما بحاول أرجعله بشتى الطرق ، ساعدنى يا رب أنا مش عارف أعمل ايه..........الحمد لله أنا مبقتش أحلم بالراجل اللى بياكلنى ، ومبقتش أخاف من حاجة وطبعا كل دا بفضلك ، وأنا متأكد يارب إنك هتساعدنى ومش هتسيبنى......)

اقتربت الساعة الثالثة بعد منتصف الليل فقرر عمر أن يعود لمسكنه.....

يصعد درج السلم فى العمارة التى يسكن فيها ، ها هو يقف أمام الشقة ويضع المفتاح ليحاول الدخول ، ولكنه شعر بشئ ما يراقبه ، أو شخص ما لا يدرى ، فنظر إلى درجات السلم وإذ به يرى شخصا أسودا فى الظلام يقف فى مقدمة السلم يعلو الطابق الذى يسكن فيه عمر!.....

وإن مجسم ذلك الشئ ليدل على أنها امرأة وليست رجل.....

وأيضا ليست أى امرأة!!!.....

إنها امرأة يعرفها!
أخرج هاتفه وأشعل المصباح ووجهه على ذلك الشئ فلم يجد شيئا!!
لقد اختفى!
اطفئ المصباح وهم أن يدخل الشقة ، فظهر له ذلك الشئ مجددا ، فأشعل المصباح بسرعة فظهر الضوء على وجه ذلك الشئ
وأنه لم يكن شيئا!!!!
بل کان آدمیا!!!
بل آدمية!
بل إنها مدام رضوى!!!!
شبح مدام رضوى التي قُتلت بالأمس القريب!!!!!

الفصل الثاني عشر....

لقد تغيرت حياة عمر بالكامل بعدما فقد والده وازدادت صعوبة وتعقيدا ، وذات مرة جلس مع نفسه يتفكر فيما يحدث من حوله ، فانتهى به التفكير أن قال لنفسه:

(لِما أنا حزين ؟ لما لا أتقبل ما أنا عليه ؟ لِما لا أسعى وأحاول مهما كانت الصعاب حولى؟.....)

تفكر كثيرا في مثل هذه الأفكار وانتهى به الحال أن بدأ يتقبل

يتقبل أى شئ يحدث له ، أصبح هادئا جدا لا تكاد تشعر بشئ فى وجوده ، بل أصبح وجوده كعدمه لا يتكلم ، لا يحزن ، لا يفرح.....

قد أصبح صامتا ، فالهموم التى أصابته لم يكن تقبُلها بالهين عليه ، فقد فارقه والده ، والمخاوف تُطارده ، وتفكيره الذي يعاني منه ، وأيضا لم يجد عملا يعين به نفسه على الحياة......

يكلمه إسلام فلا يجيب إلا بقليل الكلام ، وكذلك قل حماسه تجاه كل شئ

ذهب إلى كليته ورأى عايدة ، فوقف أمامها وهى وقفت أمامه ينظران لبعضهما وكأن أداة الكلام لديهما أصبحت العيون.....

أطال عمر النظر هذه المرة إلى عايدة ثم قاطعته عايدة قائلة:

(عمر بجد أنا تعبت ومبقتش فاهماك خالص ، عمر إنت بقيت بتآذيني في حياتي من غير ما تحس ، عمر حبى ليك بقى سبب تعبى......

متضغطیش علی نفسك یا عایدة أنا مش هز عل لما تسیبینی و تمشی ، صدقینی أنا بتمنالك الخیر وین ما كان ووین ما تروحی ، هو دا الحب یا عایدة إن الحبیب یتمنی الخیر لحبیبه مكان میروح حتی لو مكنش معاه ، ولو خایفة متلاقیش زیی یا عایدة زی ما قلتیلی قبل كدا! ، فاتطمنی هتلاقی زیی كتیر و هتلاقی أحسن كمان متقلقیش یا عایدة ، لسه الناس الطیبة موجودة واللی بیحبوا بجد وقدامهم فرصة یحوّلوا حبهم لجواز فی أسرع وقت موجودین یا عایدة ، أنا مش واحد مفیش منه اتنین یا عایدة ، بالعکس أنا یمكن تكون كل الناس أحسن منی ویاما هتقابلی فی حیاتك یا عایدة.......

عمر هو أنا ممكن أحضنك؟.....

لا مش ممكن يا عايدة سامحينى ، بس أو عدك لو لينا نصيب فى الحلال هسمحلك تحضنينى ههههههههه......بتبكى ليه أنا محتاج أشوف ضحكتك و هبقى مبسوط جدا لما أعرف إنك خدتى قرار جديد ومكنش حد له تأثير عليكى فيه بشكل أو بآخر ، اتطمنى يا عايدة كل حاجة هتبقى كويسة متقلقيش.....)

رسم عمر ابتسامة على وجهه ثم قال لعايدة: (أشوف وشك بخير يا عايدةايه دا ليه إنت هتسافر ولا ايه؟مش عارف يا عايدة ممكن أسافر للقمر هههههه!!!) فضحكت عايدة وقالت له: (ماشي ياعم عمر سلام...) أدار عمر وجهه ليعود لبيته ، وفور استدارته زالت الإبتسامة من وجهه وتحولت إلى عاد إلى مسكنه عند أصدقائه فكان يبتسم إليهم ويقول: (يا شباب عايز أقلكم على سر عايزكوا تحافظوا عليه ماشي......قول يا عمر في ايه يبني إنت خطبت؟ هههههه لا لسه ، في ست عجوزة ساكنة قريب من الجامعة الست دي طيبة جدا تعالوا معايا نروحلها كدا هوريكوا حاجة!.....) ذهب عمر وأصدقائه إلى منزل هذه السيدة البسيط فقال لها: (السلام عليكم يا أميأهلا أهلا ها جايبلي ايه انهار دا يا واد يا عسول إنت؟جايبلك أكل حلويا أمى وعلبة عصير طعمه حلو أهو حبيبي يا حبيبي ربنا يبارك فيك يا ولدى ويديك علشان تجيبلي عصير على طول.....) ضحك عمر وأصدقائه من قولها ، فدقق إسلام النظر إليها فوجدها لا ترى ، حل الصمت في أرجاء المكان ثم قال عمر: (عايزة حاجة يا قمراية ؟.....شالله تسلملي يا حبيبي يا قمر إنت) عاد عمر وأصدقائه إلى البيت وأوصاهم بهذه السيدة أن يحاولوا تقديم العون لها ، فهي ليس لديها أحد يعولها..... (والله إنت طيب جدايا عمر حبيبي يا إسلام خلى بالك منها بس إنت وإبر اهيم وأوعوا تنسو ها أبدا مهما حصل يا شباب ، دي عليها دعوات تدعيهم للواحد بتخلي قلبه يرتاح حتى لو شايل هموم الدنيا كلها اتفقنا؟ أكيد يا عمر اتفقنا) انتهت محاضر ات عمر وها هو يُجهّز متاعه ليعد إلى بيته في الحي ، وهذه المرة قد ودع أصدقائه توديعا حارا مما تسبب في إندهاش إبراهيم وإسلام

عاد إلى منزله واحتضن إخوته وأمه وقبّل أياديهم بلطف شديد ، مر يومه هادئا وجميلا ، إلى أن


أتى اللبل....

ذهب عمر لينام ولكنه تذكر (طنط زينة ، وشبح رضوى) فقام من على سريره ووقف أمام المرآة وهو يبتسم ، ظل واقفا لبعض الوقت ولم يحدث شئ ، يحرك يده اليمني فتتحرك يده اليسرى في الإنعكاس ، يغلق عين فتغلق عكسها في الإنعكاس ، ثم رفع يده لأعلى فلم يرفع إنعكاسه يده مثلما فعل عمر!!! ظل إنعكاسه في المرآة ثابتا لا يتحرك رغم تحرّك عمر!!!!..... والغريب هذه المرة أن عمر لم يكن خائفا ، بل كان طوال الوقت يرسم البسمة على وجهه.... ها هو إنعكاس عمر يتغير وتصبح المرآة سوداء ، ثم تبدأ أن تتلون إلى أن كونت صورتها.... صورة طنط زينة وهي تنظر لعمر كعادتها جاحظة العينين مخيفة الوجه!!!!..... ظل عمر يرمقها في المرآة وهو يبتسم مستسلما لكل ما يحدث له ، فتحركت صورتها قليلا إلى اليمين لتأتى بجوارها صورة أخرى لسيدة أخرى ، إنها مدام رضوى أو شبح مدام رضوى يقف بجوار شبح طنط زينة!!!!!! زالت ابتسامة عمر وهو ينظر إليهما..... وتحوّلت إبتسامته إلى صدمة وإندهاش عندما رآى الإنعكاس الثالث..... لقد رآي والده بجوار هما ، وما زاد رعب عمر بعد ذلك أنه رآها هي الأخرى تقف بعيدا عنهم!! لقد رآى إنعكاس عايدة هي الأخرى!!..... تغيّرت ملامح عمر هذه المرة ، ثم ذهب كل إنعكاس منهم إلى اتجاه واختفى كل منهم وعاد انعكاس عمر ينظر إليه..... أخرج عمر بعض الهواء الساخن من فمه وقال لنفسه" لقد كان كل شئ بداخلي ، كانت مجرد مخاوف أصابتني"..... فجلس على السرير يتفكر في كل شيئ ، وكعادة ذاكرته المؤلمة التي لا تنسى أبدا..... أملت عليه حياته من جديد ، يمر أمامه الآن صراخ طنط زينة ، وشبح مدام رضوي ، وما جعله يبكي هو تذكره ما حدث بينه وبين والده ، وكيف كان يتعامل معه في ذاك الموقف ، فندم ندما شديدا على كل شئ فعله في ذلك اليوم!!..... لقد تعلم عمر الكثير والكثير ، ولكنه دفع الكثير أيضا مقابل الكثير الذي تعلمه!..... الآن بيكي

الأن يندم....

الآن يصرخ بداخله ولا أحد يسمعه
و فجأة غلبه النوم فلم يستطع أن يُقاوم
كان نوم عمر مليئا بالهموم أيضا كإستيقاظه ، بدأت علامات الحزن ترتسم على وجه عمر وهو نائم ، إنه يحلم الآن بالموقف الذي حدث بينه وبين والده
(إنت ليه مش عايزني أحبك يابا)
يزداد معدل تنفس عمر أثناء نومه ، ويتقلب يمينا ويسار ا
(أنا عايز أحبك بس مش قادر)
تزداد علامات الحزن على وجهه وترتسم الخطوط على جبهته معلنة أنه يشعر بالألم!
(حضورك بقى زى غيابك يابا) لاااااااااااااااااااااااااااااااا
فاستيقظ عمر و هو يبكي ويصرخ ويقول (لااااااااااا)
(إيه يبنى مالك فى ايه ؟
قالها عمر ثم أخذ يبكى فى حضن أمه وهى تربت على ظهره وتُطمئنه بأن الأمور ستكون بخير ، وأخذت تحدثه عن السعادة والفرحة التى ستصيبه قريبا
ثم!!
(عمر! عمر! عمر یا حبیبی رد علیّا! عمر! عمر!!!!!!!!!!!)
انقطع نفس عمر!
تباطئت نبضات قلبه حتى توقفتو ثقلت رأسه على صدر أمه
غاب عمر عن وعيه كعادته ، ولكن هذه المرة بلا رجعة!
غاب عن وعيه إلى الأبدو هو في أفضل مكان آمن وجده في حياته (حضن أمه)
"بل دعنى أخبرك يا عمر أنها اللحظة المناسبة لتغب فيها عن وعيك الآنإلى الأبد"





ولكنه حاول توصيل هذه الرسالة وحاول أن يجدها ، يذهب لمكان الدراسة عندهم ثم يسأل (لو سمحتى في واحدة هنا اسمها عايدة كان يعرفها واحد صحبى اسمه عمر سالم تعرفيها؟!!) فيتلقى تجاهلا مرة ، ويتلقى شتائم مرة

(ايه قلة الأدب دى يا استاذ إنت بتعاكس!!!.....لا والله حضرتك أنا بسأل ع واحدة اسمها عايدة..... طب بص فى واحدة أنا أعرفها اسمها عايدة ممكن تكون هى اللى بتسأل عنها أهى جاية هناك اهى.....عايدة فى واحد بيسأل عليكى هناك أهو.....مساء الخير يا آنسة عايدة!....مساء النور أهلا وسهلا مين حضرتك؟!.... أنا ابر اهيم محمد بدرس فى كلية الطب كنت بسأل حضرتك هو إنت كنتِ تعرفى واحد اسمه عمر سالم ؟......)

تغير وجه عايدة ولم تجبه ، ظلت صامتة بسماع ذلك الإسم لوقت مر عليها كمرور صوت طفل يصرخ في أذن أبيه و لا يكف عن الصراخ ويخشى والده أن يتجاهله ، وما أعادها للواقع هو تكرار سؤال إبراهيم لها

(آنسة عايدة تعرفيه ؟الله يرحمه أه كنت أعرفه ليه في حاجة؟لا مفيش أنا لقيت الجواب دا في كتبه ، الجواب دا يخص حضرتك)

أخذت عايدة الجواب من إبراهيم والدموع تملئ عينيها

(متشكره جدا يا دكتور إبراهيمالعفو يا فندم....)

تركها إبراهيم لتستكمل محاضراتها وها هو يعود إلى مسكنه ، وبينما هو في الطريق تذكر وصية قالها عمر من قبل

(إفتكروا الست دى يا شباب ومتنسوهاش...)

ذهب عمر إلى أحد أماكن التسوق وابتاع لها أشياء كثيرة من الطعام والخضار والعصائر وذهب إلى بيتها ليجدها قد ازداد سنها كبرا وازدادت معه تجاعيدها

(السلام عليكم يا حآجة......أهلا حبيبى إزيك......الحمد لله يا حآجة إنت مش فاكرانى أنا عمر معلش انقطعت فترة عنك كانت عندى ظروف ومشغول وكدا.....ولا يهمك يا حبيبى البقاء لله وربنا يرحم صحبك.....إنت عرفتى منين يا حآجة؟؟!!....أصله كان دايما يقلى يا أمى مش يا حآجة ، ومكنش ينشغل عنى مهما حصل ولو كان عنده ظروف كان يبعت

حد مكانه ويقلى الحاجة دى باعتها عمر ابنك يا حآجة ، وكان لما يجيبلي الحاجة كان يقولي يا قمر ایة و إنت مقولتلیش یا قمر ایة!!..... بكى إبراهيم من قولها ، فترك لها المشتروات وهم أن يرحل..... (متنسانيش يبنى أنا مليش حد خالص وبفضل أوقات كتيرة من غير أكل والا شرب!!....حاضر يا حآجة مش هنساكي...قصدى يا أمي!....) أنهت محاضر اتها و عادت إلى بيتها و هي متلهفة إلى فتح الجواب لتقرأه ، أغلقت غرفتها و جلست على سر ير ها و فتحت الور قة (عايدة!.....أنا بحبك يا عايدة ، ومش عارف أقضى أيامى من غيرك ومن غير ما اتطمن عليكي ، بس اللي منعني إني أكلمك يا عايدة أقوى منى ومنك..... أنا بخاف عليكي يا عايدة ومش عايزك تشيلي ذنوب بسببي ، ولا أنا كمان أشيل ذنوب بسببك وعارفة يا عايدة لو أطول أخد كل همومك أنقلها لنفسى وإنت تبقى بخير هعمل كدا ، بس المهم إنك تبقى بخير يا عايدة ، المهم إنك تبقى بخير يا حبيبتى..... عارفة يا عايدة أنا كل همي إنك تبقى مبسوطة ، سواء معايا أو مع غيري اللي يكون من نصيبك ، مع إني بتمنى تبقى معايا..... بس لو مكنش لينا نصيب فبتمنالك السعادة مع شريك حياتك ومتز عليش على فراقنا يا عايدة ، متز عليش إننا بعدنا ، جايز قربنا كان رسالة ليكي بتقلك إنك حلوة وتتحبى وفي ناس كويسة هتقابليها في حياتك وهتفهمك ، وجايز برضوا كان رسالة ليا أنا كمان بتقلى إن في ناس لسه بتحب بإخلاص..... في ناس لسه قلبها أبيض وطيبة ومتعرفش الغدر ولا اللعب بالقلوب وكسرها..... في ناس ممكن تحب و مش مستنية مقابل لحبها اللي بتقدمه..... في ناس شبهك يا عايدة عن الحب فأنا حبيتك ، ولو كنتى من نصيبى هبقى أسعد إنسان ، و هدعيلك طول الوقت ، إنما

لازم نطيع ربنا يا عايدة ونبعد!لازم نبعد يا عايدة!!!)

حاولت أن تتمالك صوتها الذى يريد الصراخ ، ودموعها التى رافقتها أثناء قراءة الجواب من بدايته ، ثم أمسكت بالورقة ووضعتها على وجهها وهى تحاول خفض صوتها مرددة الكثير من كلمات الألم......

كل من عرف عمر أصابه الحزن بسبب موته ، ولكن عايدة وأمه كانتا أكثر مَن صاحبهم الحزن على موته....

إلى أن مرت الأيام والأعوام وتراكمت الأتربة على هذه الذكرى والألم الذّين يُعرقلان سير الحياة!!.....

نسى الجميع عمر وبقى مجرد اسم يُذكر تصاحبه بعض الذكريات التى عاصرها مع من ذكر اسمه ، وكل منهم نسى عمر على طريقته......

منهم من نسيه نهائيا ، ومنهم من نسيه حتى تُذكّره المواقف المُشابهة ، ومنهم من وضعه فى مكان ما فى قلبه وأغلق عليه الكثير من الأبواب التى لم يُصنع لها مِفتاح!.....

أراد عمر أن يعيش سعيدا وكذلك أراد الجميع ، ولكن السعادة ليس لها إرشاد أو دليل أو طريق ليسلكه كل من أراد الحصول عليها........

كلنا نريد أن نسعد وتُختم حياتنا بالسعادة ، فكلنا نريد النهاية السعيدة تلك التي نرسمها في أذهاننا ومنا من يلحقها وهم الكثير

ليست كل النهايات سعيدة بل كل النهايات لا تعرف طريق السعادة إلا برضاء صاحبها

فالرضى بالحياة والمعيشة التى تمتلكها الآن ، تأكد تماما أنه سيكون سببا فى سعادة نهايتك ، بجانب سعادة المعيشة.......... و لا يتعارض قولى مع حب التقدم والتطلع للأفضل -

هدأت عايدة قليلا ، ثم تحركت من مكانها ذاهبة ناحية المرآة ، فتعجبت من عدم ظهور إنعكاسها فيها!!

ظلت واقفة أمامها وتحاول فهم الذي يحدث في المرآة!!!!.....

ثم اقتربت منها حتى اقترب وجهها من ملامسة المرآة ، وفجأة رجعت إلى الوراء بقوة وهى تصرخ ، يظهر على وجهها علامات الإندهاش ، بل الخوف ، بل لا تفهم شيئا.....

إنها ترى في المرآة إنعكاسا الأن
ولكن هذا الإنعكاس ليس لها!
بل هو إنعكاس عمر!!

تمت...

خاتمة...

دعنى أُقدم لك أسفى إن لم تجد ما كنت تتخيل أن تجده فى هذه الرواية ، وأقدم إعتزازى أنك وجدت ما أردتُ أن أُقدمه أنا......

إن الإنسان لهو ضال في طريقه إن لم يكن له هدف واضح ينظر إليه كل يوم ، ويُحقق جزء منه كل يوم ، فألإنسان الذي لا يملك هدفا ، هو إنسان يعيش كل لحظة كما تأتي.....

إن أتت فرَح فرح ، وإن أتت حزن حزن ، وإن أتت خزلان تحطم.....

تماما كما كان يعيش عمر ، فهو لم يضع هدفا واضحا أمامه لكى يسعى إليه ، ظل يسعى فى كل إتجاه ولا يملك إتجاها واحدا يخصه بإفاداته من السعى فى باقى الإتجاهات!......

لم يكن هدفه الذي وضعه واضحا ، بل هو لم يضعه من الأساس!!.....

ستظل الحياة ، وستظل الأحلام ، وستظل السعادة ، وسيظل الحزن ، وسيظل الفراق ، وستظل الهموم وأنت من سيرحل......

تلك الحقيقة التى يتولّى رفضها الجميع ، ولو قبلها أحد ووعيها جيدا ، لعلم أنه لا شئ يستحق كل هذا الذى تسبب في إيذائك.....

"أخصص شكرى لدكتور أحمد خالد توفيق..."

أنا هشام رمضان شحاته ، طالب يسعى فى رحلة بكاليريوس التمريض ، ولديه حلم بعيد جدا عن رحلة سعيه التعليمية هذه ، فلطالما حلمت أن أصبح ذلك الكاتب المُختلف فى كل شئ ويكتب كل ما هو رائع ، لطالما تشابهت كل الحروف مع من يكتبون ولكن!

عساها معى تسلك طريقا آخرا ، عساها تُشكّل حروفا أخرى يعيها كل من يقرأ لى.....

https://t.me/Takhareaf

https://www.facebook.com/Takhareaf

01158087673